

全

邊

略

記

全邊略記卷之十

桐城方孔炤潛夫著

遼東略 山海關在內

洪武元年我

高皇帝之伐中原也。式於廟堂。首逐元都。驅及上都。北平大定。而王保保恃其黠爲頑。大將軍達等直取太原。不逾秋。北邊全底於績。其於遼東西猶所緩。洪武三年春。故元遼陽行省平章劉益。藉其軍馬錢糧之數。并遼東州郡地圖。遣使奉表求降。上嘉其誠。遣

斷事吳立持詔往諭置遼東指揮使司以益同知指揮事四年劉益旣降授官未幾故元平章供保保馬彥翬共謀殺益其右丞張良佐房嵩擒彥翬殺之。保保走故元將呐哈出營遼東之衆因推良佐等權衛事良佐遣使械送殺益逆黨平章八丹知院僧兒等至京且言肘腋之間皆爲敵境乞畱朝廷所遣斷事吳立撫之上以立與良佐嵩俱爲遼東指揮既而呐哈出據金山擾邊爲患本衛乞益兵及遣黃儔以書諭呐哈出被拘不還於是大爲保疆計乃置

都衛以馬雲葉興旺爲都指揮。摠轄遼東時。遼反側。
尚多雲等縣。登萊渡海。頗兵金州。招降故元叅政葉
廷秀。敗走平章高家奴。遂進至遼東。完城繕兵。設守
備。一方遂安。五年成遼東。命靖海侯禎吳。摠舟師。繇
登萊轉運之。九年十二月。納哈出來冠雲旺。偵知其
將至。命蓋州指揮吳立等。堅壁勿與戰。納哈出至徑
趨金州。城池未完。軍士寡少。指揮王富督勵士卒。分
守諸門。選精銳登城以禦之。納哈出裨將乃刺吾。自
恃驍勇。率數百騎挑戰。城上發箭中之。遂獲之。虜勢

大阻納哈出慮援至。引兵退走。乃繇城南十里外。從幹河歸葉旺覺之。先移兵梓河。自連雲島至窟駝寨。十餘里沿河疊冰爲牆。以水淋之。經宿皆凝結。隱然如城。藏釘板於河中。設陷馬穿於平地。伏兵待之。老弱捲旗登兩山間。諭以聞砲卽豎旗。令指揮周鶴等各肅兵以俟。虜見寂無人形。抄過城南。砲發伏兵四起。兩山旗旌蔽空。鼓聲震動。矢石雨下。虜駭倉皇北奔。趨連雲島。遇冰城。馬不能前。皆陷。遂大潰。馬雲復於城中出兵追擊。至將軍山。畢栗河。斬戮虜人馬及。

凍死者甚衆。旺等乘勝追至猪兒峪。獲其士馬無算。
納哈出僅以身免。捷聞。上遣使齎勅獎勞遼東諸
將。擢馬雲葉旺都督僉事。十二年。勅遼東守將潘敬
等曰。奏至知高麗龍州鄭白等降。朕未審將軍識其
計否。高麗僻處海隅。俗詐性頑。人情莫不安土重遷。
舍桑梓歸異鄉。斯必示弱於我。如墮其計。不過三年
間。至者接跡。其害豈小小哉。符至之日。開諭來者令
還。今國中方寧。息兵養民。爾與東夷接境。慎勿妄生
小隙。使彼得以藉口。彼果不臧。則師有名。春秋有云。

母納逋逃不然邊患繇此而起矣。士卒饋運渡海有
爾死者。上聞之。命羣臣議屯田之法。諭之曰。昔遼
左之地。在元爲富庶。至朕卽位之二年。无臣來歸。有
勸復立遼陽行省者。朕以其地早寒。土曠人稀。不欲
建置勞民。但立衛以兵戍之。其糧餉歲輸海上。每聞
一夫航海家懷訣別。事非獲已。憂在朕心。必至期復
命。士卒無虞。心方釋然。近聞有溺死者。朕終夕不寐。
爾等其議屯田之法。以圖長久。十六年高麗遣使張
伯崖。請來貢。以違命却之。令禮部諭王。按朝鮮秦遼

東外徼。漢初爲燕衛滿所據。武帝取爲真番。臨屯樂。
浪玄菟四郡。漢末爲公孫氏所據。魏滅公孫晉。并於
高麗。高麗本扶餘別種。王高璉居平壤。卽樂浪巴而
東徙鴨綠江。東南千餘里。後唐時。王建代高氏。并有
新羅百濟。又徙東松嶽。以平壤爲西京。子孫遣使朝
貢宋遼金。四百餘年。元至元中。兩京內屬。置東寧總
管府。其國東西南濱海。北鄰女直。西北至鴨綠江。東
西兩距二千里。南北四千里。分八道統府州郡縣。俗
柔謹。知文字。喜讀書。崇釋尚鬼。惡殺戴折風巾。服大

袖衫男女相悅爲婚死三年始葬飲食用俎豆官吏
閑威儀居皆茅茨衣多麻苧以田制俸以秔醞酒法
無苛條刑不慘毒山川九都神嵩北嶽海鴨綠江爲
大產金銀鐵水晶鹽細苧布白疋紙狼尾筆果下馬
長尾雞貂豹海豹皮八絳魚昆布杭黍榛栗人參茯
苓之屬國朝二年卽奉表稱臣朝貢不絕至是以其
違約不恭故諭責之十七年上謂部臣曰近命遼
東立學校或言邊境不必建學夫聖人之教猶天也
天有風雨霜露無所不施聖教亦無往不行昔箕子

居朝鮮施八條之約。故男遵禮義女尚貞信管寧居遼東講詩書陳俎豆飾威儀明禮讓而民化其德。曾謂邊境之民不可以教乎。况武臣子弟久居邊境。鮮聞禮教恐漸移其性。今使之誦詩書習禮儀。非但可以造就其才。他日亦可資用。二十年九月。故元納哈出降赴京入見。上賜一品服。封爲海西侯。其所部官屬悉賜衣服冠帶。授以指揮千百戶有差。俾各食祿不任事。分隸雲南兩廣福建各都司處之。殘元臣孽已盡。惟納哈出尚擁衆金山數擾邊。於是以正月

命征虜大將軍宋國公勝。左右副將軍額國公友德。永昌侯蓋。左右叅將趙庸。王弼。胡海。郭英。統軍三十萬。往征之。納哈出聞之。棄金山巢穴營於新泰州。去遼陽千八百里。王師旣行。臨江侯陳鏞所部。與大將軍異道相失。陷虜死。六月。勝等率師踰金山至女直右屯。納哈出部將全國公觀童來降。初。納哈出分兵爲三營。一曰榆林深處。一曰養鷙莊。一曰龍安。一禿河。轄重富盛。畜牧蕃息。虜主數招之不往。及是大將軍逼之。納哈出計窮。乃刺舌因勸之降。納哈山猶豫。

未決。大將軍遣馬指揮往諭之。納哈出乃遣使至大將軍營。陽爲納款。而實覩兵勢。勝。遂遣藍玉往。一禿河受其降。虜使見大將軍勝還報。納哈出聞之。乃指天噴噴曰。天不復與我有此衆矣。遂率數百騎。自詣玉降。玉大喜。出酒與之飲。甚相歡。納哈出因酌酒酬與玉。玉請先之。納哈出卽飲訖。復酌以授玉。玉解衣以衣之。謂曰。請服此而後飲。納哈出不肯服。玉亦持酒不飲。爭讓久之。納哈出取其酒澆地。顧其下。咄咄語。將脫去。時鄭國公常茂在坐。其麾下有趙指揮者。

解胡語以告茂。直前縛之。納哈山大驚起欲就馬。茂拔刀砍之。傷臂不得去。都督耿忠。遂以衆擁之。見勝納哈出所部妻子將士凡十餘萬在松花河北聞納哈出被傷。遂驚潰。餘衆欲來追。勝遣前降將觀童往諭之。於是其衆亦降。凡四萬餘。并得其名愛馬。所部二十餘萬人。羊馬驕駝輜重亘百餘里。納哈山有二侄不肯降。勝復遣人諭之。乃折弓矢擲於地。亦來降。勝以禮遇納哈出。復加慰諭。令耿忠與同寢食。遣使奏捷。仍奏常茂驚潰虜衆。遂班師。悉以納哈出來降。

將卒妻子。及其輜重。俱南行。仍以都督濮英等將流兵三千爲殿。其驚竄之衆。聞大將軍旋師。以其降卒俱行。甚憾之。設伏邀之。英等後至。伏發。英猝爲所乘。衆寡不敵。英復馬蹠。遂見執。自剖腹而死。二十四年春都督沐春曰。虜人遠遁塞外。清寧已置大寧都司。及廣寧諸衛。足以守邊。其守關士卒已命撤之。而山海關猶循故事。其七站軍士。名雖守關。實廢屯田養馬。自今一片石等關。每處止存軍士十餘人。議察逋逃。餘悉令屯。二十六年開元衛軍士馬名廣上言五

事。一日瀋陽廣寧義州舊皆有學。今宜復。二日天下學校教育人才。其出於工商技藝之家者。稍涉膚淺。卽欺人傲物。管子曰。工商雜類。不預士伍。萬士任之。以政必無益於治。三日狹鄉之民遷於寬鄉。地有餘而民力不給。則分兵以屯之。庶民無游食之憂。兵無坐食之害。四日兵老而家無丁者。除其籍。庶免有司勾補之勞。五日今華夏治安。夷狄遠遁。正歸馬放牛之日。外衛軍士老死者。免補。且漸收蕃衛。移置京畿。上擇其可者行之。八年三月停造遼王宮室。勅

武定侯郭英曰。遼東軍務物情來者多言其艱苦。況邊境營繕。不宜盡力以困之。今役作軍士。皆强悍勇力善戰之人。勞苦過多。心必懷叛。往往逃伏草野山澤間。乘閒劫掠。近者高麗表奏。言多不實。朕已命有司究之。聞彼自國中至鴨綠江。凡衝要所儲軍糧。每驛有一萬二萬石。或七八萬十數萬石。東寧女直皆使人誘之入境。此其意必有深謀。朕觀高麗自古常與中國爭。昔漢唐時。遼皆爲所有。直抵永平之境。恃遠不臣。時時羨兵。自古無狀。今遼乏糧。軍士饑困。倘

不卽發沙嶺倉廩賑之。必啟高麗招誘逋逃之心。使高麗出二十萬人以相警。諸軍何以應之。今營繕造作。暫宜停止。且今立營屋以居。永樂元年十二月。勅青鎮守遼東孟善曰。朕命爾往鎮東郡。所宜招懷遠人。靖安邊境。以稱付託之重。爾比遣百戶傅三漢。出塞竊馬。以致喪失。內失可用之人。外失信於夷狄。遼地肥腴。一年耕有收。足數年之用。數年有收。海運可省。爾不盡心。提督屯種之務。軍士皮裘。必先時闢給。庶幾得用。爾及今方以爲言。有司展轉文移。豈決

旬可得。及皮運至。而天氣向暖。苦寒之地。下人何堪。
爲帥如此。國亦何賴。十三年十月塞關外宴磨峪大
峪長小峪小姑將峪大姑將峪勝先峪大水峪小水
峪石澗跳梢峪水峪白暴董家小陵峪常峪西石陽
北石陽隘口一十六處。每處以軍十一人守之。宣德
元年九月。命按問自山海至居庸守關將校。先是
上以邊備不謹。遣右都御史王彰。巡視關隘。點閱
將士。修築城堡。至是彰還奏。城堡已督士卒修築。而
各關指揮千百戶軍士。擅離所守之地者五十餘人。

皆當治罪。上曰禦邊所恃有將帥有精兵及城壘堅固。今將卒怠惰如此。設有警急。何以禦之。其指揮千百戶悉遣人械至問罪。軍士姑宥之。仍命兵部三月一遣御史給事中點視。庶不隳弛。六年十一月總兵官巫凱上廣寧馬市所市福餘衛韃官馬牛之數。上謂侍臣曰朝廷非無馬牛而與之爲市蓋以其服用之物皆賴中國若絕之彼必有怨心。皇祖許其互市亦是懷遠之仁。正統五年五月瀋陽中屯衛軍有陳其操練不得息。妻孥饑窘者乞於農時暫放。

耕作以資養贍俟秋成赴操事下行在兵部覆奏。
上允之。因著爲令。何意今之軍士不操不耕。困苦更
無從控訴矣。六年八月總兵官曹義言比奉勅旨
以凡察董山爭掌衛印宜審其所部人情所屬者授
之。臣卽遣人奉宣勅旨而二人各執一詞紛糾不定。
遂同至開原臣反覆諭以朝廷法制凡察乃罷勉出
其新印且欲身自入朝陳諭已著令暫還本衛至秋
後赴京臣竊觀其部落意嚮頗在董山而凡察怏怏
終難安靖永樂中海西野人都指揮惄納哈塔失叔

任爭印。太宗皇帝令惄納掌忽魯哈衛塔失掌弗提衛。其人臣各隨所屬庶消爭釁。以靖邊陲。時遼東守將屢失機。朝廷以爲憂。乃命王翺往督之。令便宜行事。翺至。守將以下庭參。翺詰責玩寇失機。故將斬之。再三哀請乃已。於是三軍股栗。莫敢不用命。踰月躬出巡邊。自山海關直抵開原。高墻垣深溝塹。五里爲堡。十里爲屯。烽燧斥堠。珠連璧貫。仍簡閱戍卒。更老弱。賑貧窮。配鯀寡。俾成室家。謂邊境不可以法律治。凡詞訟專用贖法。無問輕重。量情以布綢穀粟。

贖罪。雖人命亦令償之。日償命無益死者之家。而財或足以濟其用。在遼數年。措置糧數萬石。銀萬餘兩。馬千餘匹。邊用充足。器械鮮利。軍士飽暖。人樂戰守。八年四月。錦衣衛指揮吳良奏。臣奉命使海西見女直野人家多中國人。驅使耕作。詢之。有爲擄去者。有避差操罪犯逃竄者。久陷胡地。無不懷鄉。爲其關防嚴密。不得出。或畏罪責。不敢還。情深可憫。今海西各衛累受陞賞。皆知感激。請給榜開原及境外。於野人女直。則諭以理。使無拘禁。於逃叛。則宥其罪。俾之來。

歸十四年九月時。車駕北狩。兵部言遼東都御史王翹總兵官曹義太監亦失哈等奏報達賊三萬餘人入境。攻破驛堡屯莊八十處。擄去官員軍旗男婦一萬三千二百八十餘口。馬六千餘匹。牛馬二萬隻。盔甲二千餘副。義等失機之罪雖在赦前亦難容恕。帝曰且免其死。翹義俱罰俸半年。七月兀良哈三衛夷人寇邊。發兵二十萬討之。分爲四軍。成國公朱勇出嘉峯縣中路。左都督馬諒出界嶺縣北路。興安伯徐亨出劉家口縣南路。都督陳懷出古北縣西北。

路踰灤河渡柳河經大小興州過神樹至全寧遇福
餘逆戰走之次虎頭山遇泰寧朵顏又擊敗之御史
姚鵬上其功詔加勇太保亨進封興安侯諒封招
遠伯懷平鄉伯餘進爵有差景泰二年十一月建州
等衛女直都督李滿住董山等自正統十四年以來
乘間竊掠邊境遼東爲之困敝都御史王翱等遣指
揮王武經歷佟成往招之至是稍歸所掠男女而身
自入朝貢馬謝禮部主事請畱董山等以正典刑天
順二年十一月永平山海等總兵官沈煜奏臣所轄

自葦子谷寨至刀山關爲關寨者九。馬墩臺者三十
二。而松柵谷一關無水難守。切見葦子谷寨北去關
九里。地名洪山口。西止捨身臺一路。山形險峻。少有
空缺。請將葦子谷等九關寨軍士外徙於洪山。剝設
關寨者三。使之併力守禦。可減舊設關寨墩臺三之
二。事下兵部從之。三年十一月都御史李秉奏同監
督太監黃順。總兵官武靖伯趙輔。其左哨之捷出撫
順。歷打必納等寨俱空。九月廿九日遇賊於薄刀山。
襲於五嶺。柯忠等抵其巢。斬首五十六。生禽二十七。

監丞韋朗等襲於陽家寺斬首一百二十五。王瑛王
鉉由渾河斬首六十四。共收所擄男婦八百餘人。燔
其廬舍其右哨之捷歷宋產八李等寨斬首九十七。
追於摩天嶺斬首三十七。裴顯等攻修火等寨斬首
一百三十八。襲於張亦升松林斬首一百二十有一。
共收所擄男婦四百餘人。兵書白圭以聞。上曰。寇
既殄滅。輔等處置得宜。然後班師。十二月。李秉等先
奏於益州復州廣寧右屯三衛各摘戍守鳳凰山關。
隘既而人情安土重遷多不樂從。秉等復請於奉集

通遠各立城堡。摘遼陽招集土兵守之。七年十一月遼東虜寇哈都赤與父打必納及舅失忒苦犯開原我軍追之不及獲鄰寨小郎親屬瓦洪等三人歸以爲質。小郎等乃擒斬打必納失忒苦又生致哈都赤來贖。守臣還其親屬械哈都赤至京命下都察院鞠之。小郎等俱賞布帛。十一年七月朵顏等衛夷人請開馬市不許。總兵官歐信等奏三衛至邊援舊例乞開廣寧馬市事下兵部議。此虜爲北虜滿都魯所驅雜彼巢穴潛避近邊欲求市易以濟其急宜令信等

諭還故地。上曰馬市久罷勿許。果彼爲北虜所迫。
暫令於近邊三四百里外屯駐。虜退卽還故地。侍郎
馬文升奏遼東都司帶管應募兵二千七百有奇。廣
寧操守應募兵一千八百有奇。俱金復海蓋等衛餘
丁。今旣廩食在官而募者亦授職。然不輔以衛不籍
其姓名。他日勾補之無從也。乞令管糧叅政稽二處
募貫量遣餘丁衆多者還助舊軍。仍籍應募所畱餘
丁分邊隸遼東者以五百人編入撫順隸廣寧者以
一千人增設一所。餘則各照原募之地編於遼廣諸

術所乏。庶軍有定伍。人無私役。奏可。馬文升奏東山
新添東州馬。跟單清河。麟場。安陽五堡。距遼陽三四
百里。令海蓋餘丁轉運。惟鄰近堡曠地。每運撥五十
畝。牛價一金。耕守相兼。邊用自給。兵分三路。廣寧爲
中路。開原。遼陽爲東路。前屯。寧遠。錦義爲西路。中有
遼河。虜兵據此。我不能渡。請復浮橋以聯聲勢。從之。
兵部尚書項忠等議。文升欲於永平府。草牧馬內。選
取牝馬千匹。分給永寧監官。軍領養。三歲收其二駒。
死則量加追償。生則預爲調習。遼東軍士缺馬。則具

奏選而給之。宜因其言推而行之。并令陝西山西苑
馬寺各措置牝馬千匹。或二千匹。卽給寺監軍餘領
如例。二年羨駒一匹。文升又謂遼東軍士若以馬死
賠補。欲令守臣預籍三路馬軍月報馬死之數。收軍
所賠。及官助買之價。每季遣官齎價於產馬之處收
買。歲爲常例。文升又以遼東副叅以下多役餘丁。欲
所司稽其丁數。馬軍與二丁。步軍與一丁。其指揮千
百戶等官合用之數。明立定則。以免餘丁辦納之苦。
其言誠爲良便。戶部議。文升所奏足衣食者折鈔不

足。關之大半輒爛。歲例布花之給。海運不繼。妻子號寒。登州海船數少。給取每不以時。欲於旅順口修金復。蓋三衛庫三十間。設官吏。到卽散之所奏。均屯田者。謂各衛膏腴。爲官所占。乃將累年放免。充軍名下。未蠲之租。派分貧丁。而富實餘丁。官豪仍舊私之。無所控訴。詔申飭行。巡撫陳鉞。奏洪武永樂中。軍士二分守城。八分屯田。人丁糧除。景泰以後。乃以餘丁補數抵納。遂爲例。今遼東極邊。百需俱出。軍餘又以遺糧負累抵納。寔爲無名。臣近於各處措置。以抵此。

數。請悉爲除豁之。戶部議遼東屯種。景泰時僅一十八萬。是加二萬有餘。此必田以丁授。稅以田增其閒。屯軍縱有逃竄。而其田故在。况措置之糧亦非久計。請移巡按并本部餉郎督同布按糧官會都司丈量。廣寧等二十一衛。見種成熟田畝。仍稽每衛屯軍餘各種田畝若干。歲納子粒若干。頂補納糧無田餘丁。幼老若干。衛所官員豪富。軍餘占種及富實不屯種者。若干。以其餘田分發無田軍餘。每名各種一分。輸納子粒。若所徵之數。視舊有餘。然後以無名者。具

奏分發。制可。時海西虜酋糾建州三衛入寇鑑陽。
巡撫陳誠議建州夷虜始居斡木河與七姓野人爲
仇。奔依朝鮮不受。因而來貢。朝廷令居遼陽迤東。
蘇子河。成化初。悖恩累寇。天威震怒。誅元惡董山等。
進師搗其巢穴。當時總兵爲謀不遠。少有克捷。遽爾
班師。物論至今惜之。莫若舍經而從權。詭道以制勝。
召募土兵。選立驍勇。併力討之。遼人屢經殘掠。含怒
切齒。出令募之。必遠近響應。然後聲罪致討。足雪邊
恥。詔是之時。太監直權傾中外。旣興大獄。欲立邊

功。鍼揣知其意。故屢建征討之議。云總兵官歐信等。
屢奏建州夷人犯邊。請益征討。有通事王英者。密說。
汪直曰。建州三衛係。祖宗朝設立衛分。世受官賞。
修職貢。豈肯背叛。止因近侍郎文升奏准。差行人伴。
送。禁其買賣。心懷怨望。故爾。且陳鍼不務招安。惟欲。
貪功。啟事近聞。執其報事。及投降之人。禁錮凌虐。欲。
寘之死。失遠人心。宜請於上。徃彼撫諭。及體察鍼。
等所爲。革其情典。英願備前驅。直喜以聞。上命太。
監懷恩至閣議。學士萬安等力阻之。日在京城。尚。

動搖人心如此。若令至邊。陳誠亦不能保全。誠恐各邊從此聞風。皆憂禍及。無復能盡心防守矣。必欲差官。宜遣大臣。思日然。具以其語復命。上乃勅文升。弁通事都指揮詹昇往。都御史陳誠奏。永樂間遼東馬市三處。其一在開原城南關。以待海西女直。其一在城東五里。其一在廣寧城。皆以待朵顏三衛夷人。正統間因漏洩邊事。以罷其二。惟開原南關市獨存。近看朵顏屢請開市。朝廷不許。今朵顏窮迫。潛結海西轉市於我。而海西藉彼馬力。數犯我邊。甚爲非。

便。若復許開，則有以收采顏之心，散海西之黨，而中國并受其利。事下廷臣會議，報可。五月，錦衣衛指揮吳儼奏：遼東軍士冬衣布花，出自山東民間。每糧一石折布一匹。歲繇海道以達遼東，多爲風波沒漂。民被其害，而軍不沾實惠。乞勅該部議，將十四年以後，每糧一石收銀四錢，於陸路解送，以給需軍民俱便。事下戶部議，以爲遼東地無花布，若令折銀，恐後難繼。勑兵部侍郎馬文升招撫夷寇。先是，文升奏臣偕詹昇招撫建州海西女直，已於四月終招徠建州。

左右二衛掌印都指揮脫羅卜花禿等一百九十五人及被勦家屬指揮鄒哈等四十八人繼又招至建州衛掌印都指揮完者禿偕賊首趙得路等廿七人至開原又招海西兀者等衛都督等官察安察等三百七十五人是日文升又奏虜寇擁衆從清河入境鈔掠因言建州女直叛服不常徃年以招降都督董山等而又殺之已爲失信近復搃其巢穴暨殺無辜致彼仇恨變詐難信爲撫爲討伏俟處分子俊等言今推誠撫安事將就緒若欲加兵則仇生於恩何所

示信。况六月興師。兵法所忌。時陳誠方欲搗巢。貪功。
而文升奏勅招安。故誠違拘不協。而文升爲所苦。累
有奏請也。陳誠奏五月虜入大水峪境。我師擊之連
勝。共斬獲首虜一百四十七級。以捷聞。章下兵部知
之。命太監汪直領通事百戶王英往遼東處置邊務。
初。王英謀欲往遼東。撫諭諸夷。會遣馬文升不得遂。
至是聞文升等招安功垂成。復嗾直而佐之行。其意
謂建州雖安。朶顏三衛宜撫。欲因是以爲己功。且沮
詹昇之進。後英得陞千戶。而文升之禍肇於此矣。七

月劄肥何等衛指揮使等官亦里哈等十七人乞陞職益實衛指揮同知鎖羅哥禿乞更勅書葛稱哥衛指揮僉事等官申克捏等三人乞兼給勅書印記諸夷皆侍郎馬文升等奉勅招徠者弗思等衛指揮等官都魯禿等十三人乞加陞凡者衛故都指揮同知等官刺塔子引塔溫等二人乞襲職屯阿衛故指揮使革勒革子馬牛乞陞并請給勅書印記亦麻刺衛都指揮僉事阿塔乞陞并改衛諸夷皆以招撫至者巡撫陳之復請摺建州巢本兵徐子俊止之馬文升

申誠守關之詆辱科索者失貢夷心請治參同周俊
罪劉八當哈者東寧人天順間因盜馬奔建州導入
寇乃冒酋名入貢爲親知所識撫臣請梟示之乃
勅卜阿曰爾等所遣使中乃有中國叛人冒名希賞
已依法處之矣自後乃須審實十月命太監汪直監
督軍務撫寧侯朱永佩靖虜將軍卽克總兵官討建
州夷從陳鐵之請也鐵媚直也本兵余子俊議諸夷
有來朝不犯邊者勿令驚疑直等以其示弱損威乃
誘夷郎禿等四十人貢欲寘之死詔錮之朱永等

襲敗建州夷。奏捷。謂賊巢在萬山中。高峻險狹。臣等分爲五路。出撫順關。半月抵其境。賊據險迎敵。官軍四面夾攻。且發輕騎。焚其巢穴。賊大敗。擒斬六百九十五級。俘獲四百六十六人。破四百五十餘寨。獲牛馬千餘。盔甲軍器無算。詔授其奏捷舍人李珍監生陳澍。俱爲錦衣衛百戶。珍太監李榮姪。澍陳鉞子也。御史強珍奏。建州班師之後。虜卽入鰲陽清河。四散殺掠男婦五百餘民。頭畜無算。實繇前巡撫陳鉞啓覆邀功。以致虜報救怨。其指揮王英。白祥。都指揮

吳瓚右叅將崔勝等俱不能禦而太監韋朗都督張議等又各畏罪貪功隱匿前事法皆逮兵書余子俊等覆奏引皇明祖訓參鉞累犯死罪不宜再縱上命吳瓚崔勝戴罪殺賊韋朗停歲賜食米牛羊綏謙陳鉞各停俸一命禁邊將誘殺夷人以爲戰功者從強珍之劾王全也九月命太監汪直保國公永朱威寧伯兼左都御史鉞王往遼東備邊未行而罷時直怙寵弄兵益永越輩以利誘之因以爲已利旣盪爵賞猶不屬厭一遇小警輒欲出師而三邊屢報烽

燧亦欲希旨以倖功也。此舉雖已罷之。至臘月大同
之警。又復行矣。餉司金廸奏。遼歲額中。豁屯五萬石。
哨守墩卒。新塘米七萬石矣。乞別爲措置。戶部議以賣
鹽銀五萬兩。發於屯兵要地支糴。或相兼折。與官軍
買用。事寧兵止。則准作成化十八年之數。此外自十
七年爲始。每歲額外添送銀二萬兩。秋豐穀饑。則送
如舊額。并兩淮及山東運司。見在額辦鹽課。開中一
十九萬引。內兩淮成化十五年存積鹽四萬三千引。
引米七斗。豆五斗。十年長殷鹽九萬二千引。引米五

斗豆三斗。山東成化十五年鹽五萬五千引。引米一
斗豆二斗。召商上納。庶得有濟。疏入從之。然自兵興
費耗糧餉。邊境騷然。所司愈難爲矣。十七年築鳳凰
山等城爲朝鮮貢使開之。避建州野略也。山之東至
鶻陽築墩臺二十二。山之西爲城。城西六十里曰斜
烈站。站之西六十里曰新通遠堡。堡之南名寧夷。各
增戍守。巡撫王宗彝所創也。十月陳誠旣因緣晉掌
本兵。悔馬市之開釁也。復申嚴其禁例。以自文焉。論
於十九年五月。虜酋亦思馬因爲迤北小王子敗走。

所遣勿釋。采顏三衛。攜往海西。易軍器。道經遼東。巡撫都御史王宗彝等知其詐。以爲市之設。正欲革海西與三衛互市之弊。今若使其得以人口易軍器。而不預爲杜絕。他日必將糾合爲邊患。乃遣諫諭之。允。攜幼稚來市者倍償其直。至是以所市男女九人來獻。上命分賜司禮監官。餉司毛泰謹按洪武初。遼東糧料俱從太倉海運。其後罷海運。置屯田。八分屯種。二分成選。每軍限田五十畝。租十五石。以指揮千百戶爲田官。都指揮爲總督。歲夏秋二徵。以資官軍。

俸糧。自洪武至永樂爲田二萬五千三百餘頃。糧七
十一萬六千石有奇。當時邊有儲積之饑。國無運餉
之費。誠足食兵之要道也。至於宣德以後。屯田之法。
雖曰寢廢。軍士猶餘四萬五千四百。而糧亦視舊不
減三分之一。近彼邊方多事。屯法盡壞。巡撫官相繼
復其數少增。又歲運銀十萬。兼開中淮浙鹽所用。尚
乏都御史滕昭。乃於操練馬軍內。遴選弓馬生跡者。
三千餘名。退歸屯田。歲省各軍所支糧豆六萬餘石。
而得屯糧三萬餘石。至成化十二年。都御史陳鉞。仍

以昭所遷之軍。勒歸操練。遂罷徵糧。又減除無名屯
軍六萬餘名。以五年計之。共減糧三十餘萬石。故今
所存正軍。惟一萬六千七百餘名。而歲徵糧止一十
六萬七千九百石。又以荒歉蠲免。歲不足七八萬之
數。較於舊制。屯田之法。十不及一。故遼東三十二倉。
通無兩月之儲。臣愚過計。以爲今日欲足邊用。莫若
練選冗兵。使歸屯田。二十年通事楊銘奏。采顏遣察
反等告急。竊意采顏與小王子素爲仇敵。撫而用之。
以夷攻夷之法也。宜遣使撫諭之。兵書余子俊以爲

以夷攻夷。非用兵常法。如唐借圓綰以討安慶續終唐之世受其侵軼之患。宜宴察反而罷遣使。廿三年二月巡撫劉潺等奏。卜蘭罕衛與泰寧衛夷人報小王子已死。欲從喜降。口入貢。因與泰寧同於馬市交易事下兵部言。卜蘭罕與瓦刺溝都魯和親。不入貢者十餘年。一旦近邊傳報。欲容其爲市。守臣厚加撫恤。諭之曰。馬市之設。朝廷所以待三衛。餘不得同。如欲朝貢。宜仍從大同入。諭泰寧等衛。自後毋得與之俱來。弘治六年巡按李善奏。臣見遼東邊牆正統二

年始立。自後三衛夷人假以放牧。潛入河套。間行剽掠。且邊牆阻遼河爲固。瀕河之地。延壘八百餘里。土脉鹹鹵。秋修春頽。動費巨萬。夏旱水淺。不及馬腹。冬寒水凍如履平地。所在城堡畏賊深入。遂將良田數千萬頃棄而不佃。況道路低窪。每遇水雨。泥濘不通。倘閒原有警。則錦義廣寧之兵。不過遙望浩嘆而已。臣詢之。故老云有陸行舊路。自廣寧抵開原。約三百餘里。兼程不二日可到。地形高阜。土脈滋潤。有古顯州城池遺址。猶存爲今之計。莫若開舊路。展築邊牆。

起廣寧。基盤山。直抵開原平頂山。移分守八百里之兵。聚守三百里之地。以錦義爲西路。廣寧爲中路。遼陽爲東路。開原爲北路。四路聲勢相接。一路有警。則三路之兵分投應援。如常山之蛇。首尾相應。如是則暫勞永逸。而九重無東顧之憂。十二年。兵部奏海西每年一貢。三衛每年再貢。互市相通。世受厚恩。雖時有寇掠。原無聚衆反叛之謀。祇因邊臣徃徃誘殺熟虜。以爲功。委官覆按。亦不舉正其罪。所以結怨虜人。致啓大釁。彼得以復仇。藉口我軍數敗。且三衛之賊。

易弭。而海西之寇難平。失今不圖。恐怨積而導北虜。其患非細。請令巡按御史覆按雙臺之役。人畜殺掠幾何。官軍亦曾敵應與否。分別功罪以聞。自今有誘殺熟虜冒功爲首者。以謀殺漢人律罪之。同行知情者。俱調南方煙瘴守備官知情者處之。初遼東守臣奏正月中虜衆分道入寇。我軍禦之連三捷。先後斬首三百級。全勝而歸。議者以爲遼久不振。疑其誘殺。至是朵顏三衛來貢。朝廷遣大通事指揮使楊銘等審之。具云今年三月中遼東魯大夫差通事謗奏寧

禍餘兩衛頭目脫大乃等男婦三百餘人。蓋掩殺之。又領兵出境燒其羶帳車輅死者之親。遂屢來復仇。又人自虜中還者云朵顏三衛遣三百騎與北虜脫羅干等約和謀入寇給事戴饒參駁其事。命都御史顧佐往按覈以聞。久不決而指揮崔鑑等流言於長安。謂佐偏刑激變。佐請別遣。上不允。會總兵李果虛言虜至。請增兵。臺省交劾。十三年。顧佐乃勘報。日太監任良。總兵李果。巡撫張玉。誘殺之罪。得旨代回。初海西兀者前衛都督都理吉次子尚。

古以舍人入貢。授指揮。後貢駱駝。并歸被虜人口。求陞都督。不許。尚古怒去。絕貢時。入寇遼海。西諸胡之入貢者。胡怨之。尚古後悔過。叩邊歸欵。守臣貪功。招之。約爲求陞。尚古遂率五百騎。入至開原。守臣驗五十人赴京。奉寧衛都督猛革忒木兒聞之。大怒。邊將謂尚古阻其好音。反容先納。遂入寇遼陽。旣去。仍留書於邊。言諸胡所以侵犯者。實出於此。建州左右衛。亦各遣人來。尚古若誅。則衆怨俱解。守臣因請誅尚古。或投之南荒。以謝諸胡。兵部議爲尚古初使人。

至邊。意在服罪。以釋諸胡之忿。當時守臣。止應曉諭。
令回。不應。擅招。以挑胡忿。今尚古既貢。又不可誅。若
如所請。恐結海西諸衛。更生他患。守臣不善爲謀。一
至如此。給事中屈伸等言。泰寧諸虜。內附日久。受恩
最深。一旦以尚古爲辭。大肆寇掠。殺虜軍民。攻陷屯
堡。今日問罪之師。當舉無疑。兵部稱。若將所虜漢人
送回。俱有重賞。臣等以爲漢人係泰寧諸胡。親行虜
獲者。設若送回行賞。是前日之犯邊。不以爲罪。今日
之歸俘。反以爲功。誨以爲盜之利。啓其無賴之心。王

者懷柔之典。固如是乎。御史余本實等奏遼陽失機。
聞遣官按覈。臣等竊聞議者皆云太監孫振定西侯
蔣驥都御史陳璠招撫尚古以致諸胡怨寇。陛下
寃仁姑俟按報。未卽寘振等於法。各官妄稱兵不血
刃。威伸異域。遂原其旣往之辜。許以自新之路。反聞
諸胡藉口。則又詭稱安置肅荒明正典刑。以爲諸胡
戒。一尚古也。先以爲功賞。後以爲罪誅。招撫失策。明
自知之。邊釁已開。又不嚴禦。致賊虜衆深入。如蹈無
人之墟。自長勝等堡直抵高架子沈家屯二十餘處。

縱橫殺掠。人畜蕩然。暴屍滿野。哭聲震天。長老以爲
百年來未嘗遭此慘酷。其罪益不可掩也。十六年吏
科鄒文盛疏曰。三衛者果何恃乎。徒畏北虜之侵犯。
而任三衛之劫掠。是猶芻牧之家。畏虎豹之食其牛
羊。而畜豺狼爲衛也。道路咸日虜之爲患。非一日而
我之政。則有數失。日征伐未行也。禁例太嚴也。怠援
不接也。關市失平也。邊牆不固也。兵食不足也。爲今
之計。宜反其所爲。以征伐言之。虜雖逐水草以爲生。
然各有巢穴。前屯賊巢在鐵嶺川。寧遠賊巢在虹螺

山錦義賊巢在凌河墨州上哨。廣寧賊巢在刀背山。各近邊牆百里餘。每至水凍草枯。人馬疲困。若於此時併力一征。其勢可勝。以禁例言之。遼東邊禁。誘殺。襲殺。撲殺。掩殺者皆有罪。固所以杜僥倖之功。然犬羊之類。信義難服。乞少爲更張語。爾衆乃緣此爲奸。乘機肆虐。是自絕生成矣。其自今遠遁。不得在邊住牧。但有百里之內。悉聽官軍撲滅。亦以此示廣寧等五路將官。凡新獲首級。照例陞賞。所得婦女生畜。悉不追問。則彼將不敢窺邊。以關市言之。遼東先年因。

三衛內附。東夷效順。故於廣寧開原。秦立馬市交易。
當時虜_西四輪欵。時以馬易鹽米。彼得食用之物。我得
攻戰之具。近賊虜狡黠。不以堪用馬匹貨賣。持以入
市者。惟揎松貂鼠皮。弱牛馬而已。又有假此窺覬虛
實者。中國罔利之徒。與之結交。甚至竊賣兵器。洩漏
軍情。雖有監布分守等官勢。不能禁。竊聞虜所易鍋
鏹。出關後。盡毀碎融液。所得豆料。專以飼馬。其志可
知。又聞犯邊後。以所掠銅鏡等物。貨賣東酉。諸酋以
所掠男婦係縛。至詭言於三衛所得。邀其家屬贖取。

官軍不惟不敢問而且餽以酒食米鹽之類借寇兵而資盜糧孰甚於此乞罷關市以兵言之遼東東連海西北接三衛國初設二十五衛梁克官軍填實行伍因軍屯種積聚倉糧先年官軍十有九萬近或逃回原籍或潛匿山東米穀銀一錢可糴五六斗或三四斗近因兵荒斗米直銀一錢而十一月一石折銀二錢五分則止實米二斗五升兵食不足是以虜賊乘虛侵掠乞清伍核屯爲要八月指揮張斌出掩殺三衛於夾喇灣以三十八級居捷御史王獻臣疑之

暴其罪。得旨如所擬。正德三年巡按劉獻奏遼東所屬二十五衛。衛有鹽場。例歲煎三百八十五萬六千四百二十斤。軍自運送去衛甚艱。毋若召商中買爲便。勑獎之。四年泰寧三衛滿蠻率所部二萬餘稱避北虜者。欲附牆築圈以潛。詔令暫收事寧。則遠之。七年十二月初遼東三衛爲恍惚達子所逐。驅其牲畜入境。以避。守備寧遠都指揮馬標與百戶錢謀。邀殺之。而取分其所有。說稱犯邊希賞。旣而三衛醜類夷人叩邊。鎮巡官審詰。具得其情以聞。都察院

議標等貪利妄殺當斬獄上得旨如擬兵部議開平原與泰寧海西建州諸夷接境各有界限邊牆之外任其牧放無禁比年分守備禦等官略不爲備致虜深入及虜既去乃徐出境俘斬牧夷掩罪冒功故諸夷忿怨報復爲患不已今宜申飭邊夷凡遇賊侵犯若在邊牆之內卽時斬獲者方許報功若經宿或私出境及去邊牆五里以外者雖有斬獲功不論仍以失事啓叢諭罪鎮巡官復奏酋虜貪殘無厭今我拘於禁例畫地自限使虜志益驕士氣大沮非計也。

請自今追剿犯邊。達賊若抵其巢。凡有斬獲。無論大小男婦俱令報功。庶夷虜畏兵部覆議。夷近邊百里內爲寇者。方令出兵。必長壯首級。乃得論功。若不犯邊。及百里外牧放者。仍遵禁例。十一年海西福餘衛。虜那孩率衆三千人。欵塞欲繇開原乞貢。十三年建州都督脫原保等。欵塞自陳。賊首玖山等率所部三千人。營於章成寨。巡撫張貫遣指揮王綱白本等。請其營。遂各貢方物。上嘉貫等而獎之。嘉靖初七月。初開原與虜爲市。虜時殺掠市人。開原苦之。會虜首

速長加等入市鹵掠。參將孫棠率兵掩殺二百餘人。
都御史張榦上其功已而巡按御史葛禕劾棠貪惰
不法狀。上點棠而遣李承勛往經略之。元年女直
通事王臣條貢事情弊曰一夷人勅書多不係本名
或伊祖父或借賣他人或損壞洗改每費譯審宜令
邊官審本勅親子孫實名填註到京奏換一夷人陞
襲往往具奏行邊年久不報懷怨回家致生邊釁宜
再行催繳一夷人宴賞日期積聚數多遲誤及至領
賞又多濫要故不懷惠一速黑忒牙今哈刺哈等俱

自稱招撫邊夷功宜查實陞賞。十年三月。文直左都督速黑忒。自稱有殺猛克功。乞蟒衣玉帶等物。詔賜獅子彩幣一襲。全帶大帽各一。猛克者。開原城外山賊也。常邀各夷歸路。奪其賞。速黑忒殺之。速黑居松花江。離開原四百餘里。爲迤北江上諸夷必繇之路。人馬強盛。諸部畏之。往年。各夷疑阻。速黑忒衝至。頃又有功。朝廷因而撫之。示特赉之意。且徧諭在館諸夷。卽萬里外有功必知。知無不賚云。十四年三月。巡撫遼東都御史呂經以苛虐失衆心。遼東諸衛

所每軍一以餘丁三供之。每馬一給牧田五十畝。其來遠矣。經檄行清革。每軍給餘丁一。餘悉編入徭冊。徵銀追牧馬田還官。召佃納租繇。是衆益怨之。是月經巡視遼陽。檄將吏竝城築圍墻及臺。將吏督併急。諸軍遂大噪。擁衆入撫院丐罷工。及免馬田租。都指揮劉尚德者在傍叱衆呼左右榜笞告者。衆益憚。閑不可制。爭起毆尚德。及指揮李鍊。經倉皇棄勑。踰垣走匿。衆遂擊毀院門火其役衙籍。鳴鐘鼓糾衆閉諸城門。出放遊擊將軍高大恩於獄。搜得經裂其冠。

裝執都司公署。四月巡按御史曾銑按部金復聞遼
陽軍變亟行副總兵李鑑揭榜安撫凡經諸所措置。
爲衆不便者悉罷之。命將吏督諸軍守如故。亂軍稍
就約束。城門始開遊擊高大恩自投於獄。銑遂按遼
陽分部將士畫城守九門及鐘鼓等處。非時巡警懲
其飲酒誼譖者。遂叅奏都指揮劉尚德等逢迎呂經
失撫字狀而爲軍士乞原疏俱下都察院覆。銑議欠
當。往年大同逆賊軍戕害主將罪在不宥撫臣無謀。
輒爲請赦。蓋一時偷生猶可說也。今諸軍未有叛逆。

而乃坐尚德以激變之罪。事情法律。兩不相合。其五月呂經旣得報。還入廣寧治裝。其中軍袁璘者。素諂事經。擬扣月草價爲飾裝具。憚卒于蠻兒等鼓衆倡亂。先是。有張孝兒者。繫獄。蠻兒知其怨經。乃先刦孝兒出。率衆持梃。掊院門而入。執經數之。曰。爾汰我餘丁耶。爾奪我牧田耶。殘毀髮膚。裸而置之衛獄。據守五門。復入院。聚諸公牒。并經私篋。縱火爇之。延燒公署俱燼。遂破庫刦旗纛。分其黨爲四部。鳴鐘鼓。竟日夜。明日取經及璘。囚首揭標。環遊隨復繫之獄。遂脅

管糧郎中李欽昊索經所減草價及冬衣布花舊額。且要給賑濟費庫銀幾及萬兩。命韓邦奇往撫撫之。旣而命任洛代邦奇爲巡撫。命侍郎林庭梯行撫事。錦衣官校逮呂經者至廣寧。諸軍疑駕帖非勝黃。是詐爲天使謀脫經也。復操亂擁經併官校。寘廣寧獄。總鎮等官諭以禍福。曾銑宣示諸軍。始出經付官校行。亂卒于蠻兒趙剿兒謀俟林庭梯至。脅賞如大同例。總兵劉淮聞之。因兩散各隊去。曾銑密授胡承恩悉擒叛二十有八人。各梟之。十八年廣寧達軍

伏脩等作亂。都督馬永率家丁捕斬四十人。事遂定。
上深嘉之。開原虜因貢大掠。叅將孫繼祖斬二十
三級。趙國忠復戰虜。斬百有二。二十一年。建州賊從
鳳凰城入寇。殺守備李漢修。恩等所過鹵掠無筭。部
議夷非三衛等。徃成化中。董山爲梗。命將討平。至今
有六十年無反側者。今構釁必有所自。况號稱首惡。
不過趙那舍等數人耳。遽加之兵。未免玉石俱焚。命
給事林廷璽往勘之。報日建夷故多忠順。邇近夷先
入關。那嗑等遠稍遲。關將每以額滿阻之。所得賚予。

歸途後爲近夷所掠。是以怏怏心叛逆耳。上乃罷其征討。總兵劉大章。巡撫孫檜。宥不治。初建虜李檄。赤哈寇邊。率八百餘騎。從鴉鵠關石背進入。掩誘敵康雲易之。出堡與戰。伏起。雲遂死。千都指揮趙奇修。勳王鎮皆死之。給事葉鏗劾孫檜不能預防。總兵李景良弃堡而逃。周上不忠宜併罪之。乃詔檜回籍。二十五年。遼東總兵張鳳。巡撫于敖。令指揮陳守節。犒馬市諸夷。尅減鹽物。夷不服。守節白於鳳。鳳令縗之。夷遂攻鎮。焚殺人民。李鍊等不能禦。縱其

殺掠而已。上奪欵鳳俸。三十一年虜酋把都兒辛愛原謀寇錦義。譖知有備。迺乘虛突犯前屯百戶常祿指揮姚大謨以孤軍犯其前鋒皆沒。人心震恐。指揮王相曰。吾家世爲將。獨此一心報君恩耳。且虜驕而無律。雖衆不足憚。明日虜驅人畜欲歸。王相疾趨出其前。邀之戰於蠟殺山。相所率不過四百。連戰二日。以必死爲期。諸將若世勛等觀望不敢近。獨千戶葉廷瑞毅然驅百餘卒佐之。甘與同死。可謂烈矣。是時虜歲入犯。各邊無敢鬪者。朝廷初聞相事。深所

嘆異故卹典亟下。凡重傷裨仗。若高崔忠等。亦皆升級。其死事則下按臣。勑其官職以報。加優賚。廷瑞初以死聞。故不與重傷之賞。比贈諸死者。視常典加渥。有千戶吳天錫。以走報遜遁。爲虜所殺。乃亦贈指揮使。而廷瑞以後避。故恩竟不及。蓋當時以賞功之典。爲賞死舛矣。三十四年四月。遼東邊外屬夷孫賓。穩克等。以俘斬虜獻功。詔給賞如例。先是北虜虎刺哈赤及魁猛磕打來孫等。欲假道東夷內侵。不遂。魁猛傑。乃率所部攻撫哈寨。夷酋孫賓等與戰。斬虜

首十級。生擒二人。穩克等復斬零賊二級。叩關以獻。
請於義州大康堡河口築牆以禦之。三十五年十一
月北虜打來。孫速把亥等率衆十餘萬騎深入遼廣。
總兵官殷尚質率遊擊閻懋官等禦之。不敢。尚質等
死之。亡其卒千餘人。總督王忬以聞。且劾論巡撫蘇
志臯輕率寡謀之罪。三十七年六月。總督王忬奏遼
今歲大祲。議賑議蠲。別無良策。臣謹按山東遼東舊
爲一省。近雖隔絕海道。然金州登萊南北兩岸間。漁
販往來。動以千艘。官吏不能盡詰。莫若因其勢而導。

之。明開海禁。使山東之粟可以方舟而下。此亦救荒一奇。又言宣大遼乞照例空運通倉米給軍。上皆從之。旣而給事中許從龍因請就海道以行空運。或將天津倉糧從黑洋河抵昌黎登岸達山海關。或將登萊起運量發近海民船從沙門島抵金州達遼陽。此可省陸輓之勞。官民兩便。下戶部議行。命遼東苑馬寺卿住劄金州給放各島商船不得抽稅。從都御史王忬及御史周斯盛疏。通海禁議也。十月東虜大舉寇清河等堡。總兵楊照副總兵劉岳帥諸將守

備申有爵等分道出擊之斬首八百級時西虜亦擁
衆瀋陽邊外聞我兵旣東乘間深入二百里照等聞
變卽馳赴之虜見大軍至引去三十八年巡撫侯汝
諒以遼大饑移粟天津入遼之路自海口發舟至右
屯河通堡不及二百里可達遼陽中間若曹泊店月
沱桑沱姜女墳桃花島咸可灣泊各相去不過四五
十里可免風波盜賊之虞請勸支該鎮賑濟銀五千
兩造船二百艘扣商販運內覆如議十二月虜犯廣
寧實泰寧衛叛夷果力箇等導之果力箇者其四世

祖恩李羅。因入邊馬市。率其族十三家。求爲內臣。朝廷欲收以爲用。乃從之。塞內住牧。使偵伺虜中動靜。頗得其力。後聚落日繁。果力箇等衆遂百餘人。往往挾虜邀賞。守臣不勝其求。稍抑制之。遂叛降虜。告以內地曲折。導使入寇。於時遼東廣寧歲有虜患。每至果力箇等各爲先鋒。都御史侯汝諒患之。乃密遣通事陳紹先等誘果力箇等入市。伏甲饗之。酒半伏起。遂擒果力箇。及其黨四十餘人。四十年山東巡撫朱衡奏登萊青地瀕大海。東近邊。左通浙直。國家設軍。

分守甚嚴。日者遼左告饑。暫議弛登禁。其青州迤西之路。未許通行。今富民猾商。逐海道赴臨清。抵蘇杭淮揚。興販貨物。海島亡命。陰相結搆。俾二百年慎固之防。一旦盡撤。頃者浙直倭毒。非敗事之鏡也。宜申明禁止。爲便報可。四十一年虜酋土蠻等大寇遼。攻東關驛。錦川營破之。巡按吉澄以聞。本兵楊博。言吳瑛老將驍健。可以責成。當分三千守前屯。而免其入衛之額。遣大臣侍郎葛縉往縉舉郎中張志孝副將劉大章自隨可之。遼東邊外屬夷王果等。導虜分衆。

入寇。一自東州堡入。一自撫順核桃山入。副總兵黑
春帥遊擊徐維忠等禦之。春身自搏戰。殺數十人。諸
將從之。虜衆大敗。棄其鎗重鎧甲而遁。於是備禦劉
普亦敗虜於核桃山。共斬首一百四十九級。奪馬五
十四。所獲夷器無筭。侍郎葛縉總督楊選巡撫吉澄
總兵吳瑛以捷聞。部覆遼東饑疲之後。有此克捷。乃
近年所未見者。有功諸臣論賞。虜復攻鳳凰城。黑春
墮其伏中。力戰二日而死。四十二年副總楊照敗虜
於清河長安堡。斬馘七十五級。楊照夜掩虜於廣寧。

察外失道爲虜所覺中流矢歿祿將線補袞郎得功等力戰斬首二百二十五級以照屍還四十四年降酋黃勇略廣寧城巡按王之誥條陳開墾荒田八事一議工力其法以田九百頃爲率用二千四百人把總二十四總委官六將各營見在步軍六千四十餘更脊撥用二議牛具每牛一具種田一頃五十畝牧者一人耕者三人其牧者給草耕免其雜差惟耕時隨牛下田與三人通力合作行總委等官不時查驗草料其牛具即於原議修城銀給之三議種子計田

九百頃用種子二千四十石或粟或豆隨地所宜卽
於上年收獲內支四議車兩登場日裝車一百八十
輛每輛銀二兩除已造完三十輛餘者宜於廣寧馬
市稅銀內支五議供費每營開田一百五十頃軍夫
四百委官五約工百日費口糧六百一十五石牛百
具豆七百五十石草萬束俱於本田收獲糧草內支
六議草稽每種田九百頃存積柴草除穀草豆稽畱
以飼牛葛稽一歲所得可以變賣銀千兩買補牛具
農器七議倉廩各城倉廩倒塌宜將夫丁銀兩及今

春次第修理。除收貯屯鹽二糧外。餘倉悉收營田子
粒。八專責成。宜將河西營田行接管都御史河東營
田行巡按御史互相督責。四十五年虜速把亥入西
平荀麒張祿遇伏亡於陣。虜自西平出。郎得功扼之
於張能峪。斬首七十五。御史李輔請裁減邊城遊兵。
而以新設寧前遊兵二枝分番入衛。已有旨報允。
至是遼撫魏學曾等言。前寧距山海關僅百餘里。近
因虜變增設遊兵二枝戍守不可議撤。請於原設人
衛兵馬預選驍健者三千人藉名於冊。至期令該班

遊擊領衛歸則各還其伍。又比歲遼饑，兵自入衛歸，輒逃匿。薊月糧折價數豐，起其羨心。將領多納此輩，役爲家丁者千百夫。遼薊附若唇齒，遼旣虛，薊豈能獨利耶？隆慶元年，御史李叔和疏：「總兵全鎮保障，當審緩急。今乃坐河西而以河東委副將，雖云畫地分守，然所部士馬不足，當總兵五分之一。海瀋開原、險山諸路，士馬亦不足與廣寧、寧前、鎮義、鎮武諸路相等。夫虜無多寡，而兵有強弱。今一月之間，三犯河東，坐視不爲之所，是秦人視越也。且總兵部下驍騎皆

所選河東精銳括此精卒。豈直爲河西計哉。臣謂總兵宜以隆冬之時移遼陽以援海州瀋陽冰解回廣寧以防土蠻庶東西皆有備。報曰可。黃勇本降胡後復亡歸虜酋速把亥盡以虛實告虜導虜入寇者十四殺備禦二官軍五百有奇。尅堡站城十餘遼人患之。是年四月中與朵顏夷卜萬開馬市速把亥部落有詐稱朵顏人混入者。總兵王治道遊擊郭承恩等掩捕得三百七十五人使人謂把亥曰爾歸我黃勇我歸爾俘速把亥遂縛勇來獻遼人因相謂曰與虜

共亡者尚有大敗刺等七人在虜中患未已。且吾良爲虜俘者尚多。及此要之。乃畱十七人不遣。虜怒數遣輕騎入寇。我輒敗之。六月。虜以少騎入犯。而伏三千人於邊外。中軍王世祿易之。乘勝追入。伏起爲虜所敗。治道救之。乃得還。亡其卒七十餘人。殺把總佟國勲等四人。虜乘勝攻鎮靜堡。克台而去。給事中鄭大經言遼東蟄市之事。釀起於激虜。因劾奏治道。輕追納侮。守堡官陳言。守備王政。嚴備禦畢。朝用。閒住。叅將杜鎧。承調叅將萬國遊。擊馬文龍。畏怯觀望。請

治其罪。然是時里卒羅猶思鎧。躬馳堡中。叩頭乞市也。九月總兵李世忠引兵東援。遇虜於撫寧。斬首五十三年四月虜酋張擺失艾失哈等擁衆近邊。聲言欲寇遼陽孤山。遼陽副總兵李成梁率中軍指揮蘇承勛等出邊迎擊之。而以原任叅將謝相廷督選鋒衝其前。至夾河山城。突入虜營。斬獲賊首張擺失等一百六十四級。奪馬一百餘匹。賊遂遯去。四年八月寨草子谷酋長汪住內英哥等從陽明臺入。諸將軍趙完馳遼陽。郭承恩馳虎皮安。努馳奉集。裴承祖馳

鮑屯柯萬馳平虜撫臣張學顏大帥李成梁皆壁清河至阜山擊破之斬砲兒大寧公提等五百八十八級五年速酉之長佟鎖羅可赤聚兵散羊谷我帥擊斬于蓮花堦四十四級虜復從靖安口入我師追殲于柳河斬佟鎖等百有五十一級十二月虜寇河東從望酒墩入大帥李成梁副帥趙完郭承恩等率師禦之於阜山等大破之斬首五百八十餘級內有酋二人他夷器無算六年三月東虜速把亥反情等憤遼陽阜山之敗復犯長勝堡守備指揮范芝等與戰

却之尋犯清河堡。守備曹簠等又大敗之。斬佟鎮等一百六十五級。獲酋首一級捷聞。兵部謂該鎮累奏奇功。且俘斬數多。例當宣捷。上命勿宣。第犒報捷如例。卜言兀等直搗白塔谷堡。遊擊李惟一力疾戰之而遜。萬曆元年。卜言台周土蠻之子會炒花奢勞亥。大入瀋陽。大帥李成梁率偏將宋成恩等力戰于南靜九營。斬勾茶戶等二百有七級。七月總兵李成梁築寬奠等六堡。其地北界王杲東鄰兀堂。去瀋陽二百里。巡撫張學顏按視之。數十酋環跪。願質子所在易。

鹽布學顏疏請聽市。自是開原而南撫順清河鑿陽寬奠。並有市諸夷亦利互易。屬海西者王台制之。屬建州者兀堂制之。頗遵約束。二年。速把亥既已連騎往。仰加奴新寨。請婚王台。而又大會諸酋。自紅螺山走遼城。總兵李成梁出塞。會風砂障天。捕斬首虜四十三級。上諭大司馬譚論曰。前報虜數十萬犯遼。已到近邊。朕心夕惕。經旬杳然。有無失事。其以實聞。遼東告捷。東虜屢次入犯。逆酋王杲至誘殺我禪將裴承祖。總兵李成梁提兵問罪。直搗紅力寨。斬首一

千一百東夷王台執送逆酋王杲父子致境上。詔
磔杲于藁街。加台龍虎將軍。有功將吏悉增秩三年。
青把都會兵二十萬于大寧。張學顏乃告急。請薦兵
入衛。及器藥之數。督軍門楊兆以狀聞。頃之知其馳
土蠻實而犯山海虛也。王台是時所部東盡灰松兀
刺。南盡湯河建州。北盡仰逞二奴。延袤幾千餘里。速
把亥頗有美心。行鹵略。先是逞仰二奴父孔革爲台
所殺。僇奪季勒諸寨。二奴乃欺台老。數數有啓疆之
志。台卒憂死。台生五男。長虎兒罕赤。次三馬兔。次煖

大次綱實。次猛骨。寧羅。至康古六。則台外子也。罕常與白免亦相仇殺。於是仰加奴等一十三寨。把吉把大等五寨。猶屬罕。它一切灰扒兀刺等江。皆爲建州諸夷所奪。四年李成梁出比羅免去遼百里。斬虜五十二級。五月虜衆二十萬自錦義至凌河。會迅雷烈風止壁。旦日分騎大掠鹽場左右中屯。御史張允升劾奏叅將馬文龍下兵部方逢時覆奏曰。當以保全衝戰爲功。損傷可勿論。上以連年禦虜。各賜之金。土蠻益怨邊人。乃率黑石炭等三十萬窺十方寺。上

丁字泊。先遣騎隔河而語。曰屬夷也。土酋虐。欲渡河而生。守使翟誘裳曰。詒也。總戎李成梁帥佟遲康元吉軍長定佟應科王朝寵軍新打營裴承祖高虛登軍小船城。而又檄李澄清徐維忠等從征。虜走老營。我兵追四十里。大破之。斬阿丑哈伯革奈等四百七十六級。督臣梁夢龍撫臣周詠以大捷聞。告太廟如禮。賜成梁以下金蟒綺廕階有差。十一月黃台吉擁老撒大會土蠻十餘萬。欲犯廣寧。于是秦得倚出海州。孔東儒出鞍山。查大受等出瀋陽。徐國輔出奉

集。陶承譽出析木。凌雲出威寧營。適速把亥。連營遼河。長四十里。李成梁帥精兵。李如柏。李平湖。李得金。出鎮安堡。而以蘇國賦。揚爍爲左軍。劉承武。王惟屏。爲右軍。直馳養善木。斬把兒度卜等八百八十二級。捷奏。詔賜陽李成梁封爵。六年御史安九域上書。大略言遼鎮中後所及前屯。與邊烏牛背大青山有采顏大一千酋長。昂酋長。兔酋董狐狸酋小一千酋土魯赤酋。忽兔罕酋。廣寧錦義邊外虹螺舊遼陽有卜兒愛酋。卜言兔酋。速把亥酋。哈屯酋。瓦青酋。遼陽長。

安外邊中遼河。有秦寧莽金酋。卜勞九酋。把兒慶酋。
卜言酋。哈當酋。開原外邊上遼河。有福餘莽巾酋。炒
木酋。卜哈酋。卜言酋。東勝外邊蛤喇河。有撣兒指酋。
忒木兒酋。土魯酋。李兒戶酋。歲爲塞上患。我師備河
東者。曰我慮河凍冰堅。備廣寧者。曰我慮秋高馬肥。
備寧前者。曰我近虜巢尤甚。四時無須臾間也。要之。
二月初旬以後。三月中旬以前。舊草旣除。新草未長。
我稍得恃以無恐。今正月將盡。土蠻頓思大舉。臣必
其不敢輕動。至二月中上馬。至三月而越寧前。至四

月而近廣寧。三坌河下水已解矣。請以遼陽之兵備西面。薊州春防之兵備東面。獨慮土蠻要市賞亡已。臣竊跡遼陽市事。酋皆因以爲利。而獨開原慶雲堡。西市亡賴。專誘土蠻爲重。前是福夷入市。近朵顏泰寧人伯言。卜言以兒鄧者。蓋兒及黃台吉哈屯。煥免諸酋。皆傳箭而入。要挾大賞。不一而足。豈直今日事哉。廣寧市由文皇帝詔頒榜文。禁持弓箭器械。裸而牽馬。奉土產赴關吏驗入。而開原故未有禁。可蚤圖之。且遼左米價殊迥異。河東軍士願得折色。河西

願得本色。莫若開石昌谷州諸金銀冶令饑民採取四六。以佐軍乏事。下戎部問狀。十月。泰寧衛酋速把孩窺盜遼邊。是月。青把都哈卜慎。大會土酋分犯寧前。成梁直擣僻山。去邊二百餘里。斬四百三十五級。上方行嘉禮。巡撫張學顏大捷奏至。敘錄有加。七年。兵科光懋奏。遊擊陶承譽所殺夷人阿丑。實懼罪來歸。承譽假以犒賞。掩其不備而殺之。請治其罪。于是一時敘功者。俱准辭。八年。建州夷兀堂犯叢陽寬奠。又犯永奠。李成梁逐之。出塞二百里。斬七百五十

級兀堂復以千騎入林剛谷副總兵姚大節復敗之
斬首六十七級土酋志報薊門之役合速酋營紅土
城佯入海州而一犯錦一犯義時備兵使李松張崇
功洪濟遠周于德等十道並發大師李成梁捕伏大
清堡出寨二百里斬捕四百七十一級主爵者比劉
江之封廣寧伯以倭七百級曹義之封豐潤伯施聚
焦禮之封懷柔伯東寧伯以虜四五百級成梁先時
破逆果至千二百餘級比虜級更宜倍之詔曰李
成梁累獲奇勳其以原銜指揮併功世襲伯爵給誥

奔爲寧遠伯。秋虜入盜東窑河。兵備李松禦之。土酋失利。頃之復入慶雲堡。吳尚忠等禦之。虜走鐵嶺。冬犯義州大凌河。哈不慎連騎數千圍我劉五臺。焚殺亡筭。都御史周咏行海州諸營兵救之。九年土蠻復犯錦義。以喇金哥爲鄉導。兵使者李松亟請于總督梁夢龍。分道而馳于大青松山之間。虜計不售。給事王致祥上書曰。恰酋受縻于宣大。而逆顏于薊遼。請革其撫賞以創之。勿受若嫚。自辛巳迄癸未。督院鄭洛禁之甚嚴。十年速把孩入陽河堡。遂深入錦州。分

馳四門。裨將周之望力戰。與王應榮俱死。裨將徐恩
趙宋。分出北門。西門擊之。虜奔凌河。涂寬等各伏兵
邀擊。虜倚遼河爲險。李成梁出兵大戰。斬捕三百四
十級。虜乃去。王台旣誅。王杲。杲子阿台服之。台叔王
忠。又戮祝孔輩子。仰奴。逞奴。亦服台。以女妻仰。卵翼
之。後二奴欺台老。台子虎兒罕好殘殺。二奴遂叛。阿
台亦怨王台之縛其父。叛附逞。仰。二奴。各夷皆雲翔
不受台制。南關勢蹙。台竟憂死。台孽子康古陸。與虎
兒罕爭嗣。逞奴助之。而陰收其部。夷白虎赤等。自益。

虎兒罕亦死。逞仰二奴數掠孤山鐵嶺。將軍李成梁勒兵出塞大破之于曹子谷。得一千三十九級。泰寧酋速把孩率其弟抄化及子伯言入犯鎮夷堡。李成梁迎之。其下李平胡射速把孩中脇墜馬。斬之。炒花等大哭出塞。遼東大捷至。詔進張居正太師。逞仰二奴窺海西之隙。乘間而起。迺與土蠻約。詳擊猛骨李羅。因以略遼瀋開原。久之竟借甕可大白虎赤萬餘騎。猛骨與瓦商亦帥二千餘騎接戰不能克。殺把吉把太寨三百人。猛吉台失二寨。從二奴者一百戶。

土蠻率火耳趁十萬欲略廣寧李成梁聞之卽伏中
固去開原可四十里使霍九臯諭撫之二奴提恍忽
大二千騎詣鎮北關關吏譙讓之以三百人詣圈門
巡撫李松四隅設伏二奴至圈門言語不馴白虎赤
拔劍斬九臯九臯反手擊一虜墜馬軍中砲鳴伏將
宿振武李寧等合擊之斬仰加奴逞加奴等凡三百
十有一級復追之于新寨斬捕一千二百五十一級
追至二奴巢諸虜叩頭願從猛骨李羅約歸我漢人
王良富十三人自是海西誓矣捷聞告郊廟而賜

爵賞董狐狸糾炒花等犯塔山再犯莊窠又犯黑山備禦楊紹勳易之遇伏把總劉進忠死之紹勳中流矢復斫二虜而還黑石炭馳于禊郎免成梁從大寧堡出邊行四百里擣虜壁斬首三百四十三捷至會

上大閱喜甚郊廟賜爵賞焉小反青略瀋海我帥大敗鹵鈔幾盡御史于應昌劾奏之曹鑑崔吉等削逮有差十一年太寧酋伯言把都糾花大及大虜衆五萬騎入寨攻鎮靜堡李成梁議于黑山大出兵佯爲北伐夜遣李得全馳入鎮靜爲內應旦日親自

搏戰。李寧以刀擊花大傷臉。復貫矢中脾。花大伯言叔也。虜營皆哭失聲而去。伯言復偕董狐狸三萬騎入犯廣寧。殺掠吏士二百二十三人。李平胡跳擊之。會大風揚沙盡晦。頃之雷電交作。大雨如注。平地水深數尺。虜盡走出塞。阿台寇遼東。入瀋陽。李成梁禦之。戰于古勒寨。阿台射死。別將秦得倚。復破毛憐夷。阿海于莽子寨。誅之。伯言把都。復連結鄧兒台吉。萬餘騎入寨。殺掠軍民。遊擊周思孝逐之。虜走遼河。河深不能徑渡。李成梁追襲之。從丁字泊堡出。布陣爲

一二字。以一字衝鋒。二字繼戰。令旣定。旦日去邊一百五十里。虜望見兵至。旣跳騎挑戰。成梁躬率一字陣接鬪。大器弓矢齊發。撫臣李松趨二字陣鼓行而前。虜股栗欲奔。我兵乘勝疾戰。斬首虜八百二十四級。得名酋捨征。李來等十三人。獲馬五萬四十九匹。軍士亡失者六百三十九人。小阿卜戶襲我黑谷關。亦燒毀烽臺。殺略人畜甚衆。於是給諫馬景隆及御史詹事讓書再至。上詔李成梁益加策勵。勿以人言自阻。有負國恩。調景隆以安成梁。遼陽百姓方維。

相亦伏闕下。稱成梁中左所之戰。盤山驛之戰。阜山之戰。平虜堡之戰。紅土城之戰。養善木之戰。鴨兒置之戰。鵬背山之戰。遼河之戰。阿州之戰。撫順之戰。瀋陽之戰。開原之戰。襖郎兔之戰。曹子谷之戰。古勒寨之戰。腦王果。髓速把亥。馘逞仰二奴。斬阿大阿海。皆萬世功。九月。哈酋大會大小委正等。鈔寧遠桃林。巡撫翟繡裳。兵備成遵築垣掘壕以待于山海。小委正走厥房。大逞克世等走水汲。一克灰正走宿商。以四萬騎從前屯入。叅將王守道杭大才等發虎蹲砲擊

之。大戰五十合。遊擊戴朝弁。直夜深其溝。固其壘。而
守道潛出營。告援于總督張佳胤。楊紹勳率燕河三
屯兵至。虜遂解。冬。虜復犯前屯。戴朝弁奪所掠于北
水關。譚堪。趙愷等。火攻于新羅城。虜奔一片石而走。
東嶺御史李東劾奏諸失律者。岳汴。劉登。太王。守道。
杭大才以請。總督佳胤曰。謹按故事。宣大以戰爲守。
薊遼以守爲戰。但使匹馬不入。卽爲首功。茲役當以
血戰爲功。而略其損軍之罪。以保全城關爲重。而原
其虜掠之末。於是兵尚書吳兌覈山海事。覆奏大略。

以山海關及八里庄去前屯七十里去山海七里今
遼東城堡無失而八里庄殺略甚多太等未可盡謂
無罪唯上所財察左遷岳汴而登太等戴罪視事
十二年西虜欲自無水者入東虜欲自有水者入黃
太舟等入養善木而東短弓兒等入駁城始蒲河之
役殺略石家衝十餘屯雕背山之役人畜至三百總
督張佳胤劾奏郎梅等鑄其級十三年灰正大會東
虜鄆彥伯西虜忙金兒等入寧遠前屯李平胡馳古
路半那林擊斬卜兒忒革等一百有八級以兒鄧大

會炒花分鈔東西。一技寇懿路。一技寇汎河。裨將曾尚忠死之。略及鐵嶺。焚燒亡算。冬。東虜一克等。十萬騎來。李成梁與疾出鎮邊堡。行二百里。斬捕九百有二級。中有酋長虎兒處首二十四。蓋用李平胡策也。晝伏夜行。平胡乃帥降夷四十人先驅。大風飛砂。中及虜覺。注矢而我兵已橫絕之矣。大司馬嚴清宣捷。賜成梁廕秩三級。王一鶚顧養謙皆遷官。十四年。速兔兒引瓜兒兔等馳十方寺。結西虜以兔鄧萬騎。直抵蒲瀋。擊城堡。殺略軍民。遊擊周思孝道逐出塞。

河深虜騎不能渡。大將軍李成梁密符遊擊韓元功集船板繩索。赴了字泊治浮橋。出其不意。總督李松偕分巡任天祚。兵備王緘。親監軍出邊。成梁迺布陣。繼入。遂至打大。去邊一百五十里矣。虜已先覺。跳驅挑戰。成梁躬帥一字陣。以火器。火箭。刀鎗。弓矢並發。二字陣。鼓行而前。乘勝勇氣益百倍。疾力戰。斬首捕虜。凡八百二十四級。得名酋捨征孛來乞塔。把失等首。凡一十三級。二月。把都抄化花。大復聚土蠻犯邊。撫臣顧養謙徵召將士黑雲龍等。大集鎮邊堡。出塞。

二百里。李成梁親自力戰。自辰至未不倦。虜不能支。
皆騰山鑽林而逸。成梁逐北。斬首九百二級。得名首
虎兒把禿等二十四人。將士被傷者。李寧等一百七
十八人。十五年十月。王台孽子康古陸。妻其父妾溫
姐。分海西業與兄子反商。猛骨爲三。因號曰海西酋。
誘叛夷阿台卜花攻反商。姦收反商妻。開原兵備王
緘。檄叅將李宗召擁精兵直擣虜營。逮溫姐與猛骨
字羅及商講和。還所鹵獲畜產。已捕康古六就吏。是
時溫姐得遽逃。兵使王緘知曰。反商不立。則無海西。

無海西。則二奴之子。北結西虜。南連建州。而開原危。
河以東。且西急土蠻。三衛東急東夷。腹背受敵。而左
右狼顧。鎮城之兵。分防兩河之間。不足。且將東面而
妨東山。益分。益寡。益勞。且疲。巡撫顧養謙曰。溫姐去
而猛骨索羅。勢不能不復叛。而况殺一康哲。於我未
必益。而北關二孽之疑畏日甚。溫姐及猛骨字羅。益
遠遁不可收。則反商之勢益孤。而東北之間。兵連禍
結。殆不可知矣。遂釋麻古六。置之開原。大司馬議可。
已而釋溫姐。以誘其子。猛骨竟攻反商。焚其巢。并刦

溫姐去。巡撫顧養謙劾奏。玩寇釀亂者。緘也。上遣
緹騎逮問。科臣彭國光。抱王緘之不平。入告曰。失事
諉藩吏者。養謙也。上欲置之理。閣臣持不可。御史
許守恩。劾奏王緘。議勦二奴遺孽不蚤至。猛骨孛羅。
數反覆有狀。上詔郎訊。大略以卜寨那林孛羅。初
非犯邊。未可議征。而况猛骨孛羅反商。皆年少。緘故
欲殺康古六。以懼孛羅。且溫姐親孛羅母。殺之。孛羅
勢且必深報。緘故請釋溫姐。實以安孛羅。凡所爲懼
與安。無非欲存亡商耳。不然。夫豈不自知誅兩酋之

可以爲功也。緘又言備兵使任天祚貪功要賞。大不
敬。曩時逞仰之役。虜不至三百人。其它多江上耕鏑。
之下。_申上復遣執金吾逮任天祚與緘對簿。閣臣時
行曰。緘欲自脫其主撫之失。而追咎行勦之非。不
可也。兩兵際遇。豈能審問而後誅殺。以血戰之功爲
妄。則邊將隳心。十六年卜寨。_{逞加奴子}那林李羅。_{仰加奴子}圍
瓦商。巡撫顧養謙壁遼陽。李成梁壁海州。三月十三
日。屯開原東郊下。令母擾南關。而給練布于瓦商。披
之爲號。出威遠堡至洛羅寨。_{北關部夷}受其降。時卜酋已

奔那酋同壁。以險拒不聽降召。已又殺我士。衝我軍。我軍縱兵。逼其大城。虜退入壁。堅閉拒守。矢石如雨。我軍多死傷。其外大城以石。石城外爲木柵。而內又爲木城。城內外大壕。凡三道。其中間則一山特起。鑿山坂。週廻使峻絕。而壘石城其上。城之內又爲木城。木城中有八角明樓。則其置妻子資財所也。上下内外。凡爲城四層。木柵一層。其中控弦之士以萬。甲冑者以千計。刀劍矢石滾木甚具。我兵攻之兩日。撤其外柵。破其城二層。其中堅。堅甚不可破。而我仰攻先。

登之士。輒死於大石滾木。大將軍乃急下令收兵。而以大砲擊其中堅。凡再發砲。內有鉛彈。彈所經城壞板穿。樓大木斷壁頽。而中多洞胷死者。斬把當亥等首。凡五百五十四級。征虜將軍李成梁。從威遠出塞。卜寨棄其衆。遁入那林壁。成梁擊之城破。二酋窮促乞哀。開原兵備成遜。并釋康古陸以存反商。進卜寨那林諭之。諸酋並服。後康古陸溫姐相繼死。遜令北關之卜寨那林。南關之猛骨反商。兩相結。釋其憾。並請貢。反商遂與建州奴兒哈赤婚。十七年逆酋克五。

十盜塞上。奴兒哈赤。

王台
郭夷

斬其頭並還鹵者。

總督張

國彥爲之請曰。哈赤忠順如是也。上爵之以都督。

初

哈祖父叫場塔失並從征阿台戰死。李成梁雖畜哈赤。及長以祖父殉國。予指揮與南關烽。旣與歹商爭

張海。因約婚罷兵。後稍蠶食張海色失諸酋。漸雄長

諸夷矣。十九年。南關酋歹商嗜酒好殺。北關卜那二

酋。潛使人于途中刺殺之。歹商子幼。總督侍郎郝杰。

令所遺部夷並屬猛骨。自此與北關日構怨而勢益

孤。滾兒屢不靖。總督蹇達提禪將先發之。李平胡等

出鎮虜。逢寇至接戰。斬二百四十有二級。二十二年冬。以侍郎孫鑛爲東征總督。東虜卜言台周以衆勝。把免兒以強勝。連騎犯邊。大將董一元以兵匿鎮武堡。虜率騎深入。士卒從中起循牆而進。虜大駭。搏戰自午至酉。我師精力愈倍。虜遂潰。一元追逐之。斬首四百十六級。伯言中流矢死。把都傷重。空馬而逃。是夜虜奔而狂哭。聲震野。把都尋亦死。二十三年。總兵董一元。襲虜于黑山。斬其酋長卜勒亥。百有九級。總督孫鑛。巡撫李化龍以捷聞。有詔加賚。加建州酋

奴兒哈赤龍虎將軍煥免入犯遼陽副總兵李如梅
與戰身被十餘矢僅却之二十五年以御史陳效爲
監軍監按遼邢玠疏請發臨清德州倉米放天津募
船運入軍中抄化糾衆入犯渾河遼陽男女屠戮一
空三十三年議徙寬奠新疆居民六萬餘口入內地。
棄新疆爲歐脫奴速二酋各請金繒卽于鶻陽清河
沿邊給賞總督蹇達巡撫趙楫布政張中鴻總兵李
成梁以招回華人敘功并賜奴酋金三十六年海西
建州二酋入貢奴酋混入猛酋領賞禮部案驗得實。

時奴酋二年失貢矣。職方主事葉世英言奴酋強梁
日熾。鎮江寬奠之間。逼近虜巢。必先壯其聲勢。乃能
伐其狡謀。兵科宋一韓疏撫鎮棄地。哨虜。謹循職掌
糾之。謂先年巡撫張學顏。同寧遠伯成梁。開拓寬奠
等六城堡。延袤八百。二十三四等年。軍民史仲義。劉
可大等。各佃雲頭迤裏沙松杉剪子。咧咧鴉鵲大小
松峪盤嶺等處。東西三百餘里。住種二千二百餘家。
歲納糧三千石。倉串卷宗俱明。至近年撫臣趙楫鎮
總兵臣李成梁。慮開邊釁。銳然議行招撫。廢將韓宗

功爲成梁脅。納建酋重賄。槩作逃民。給帖驅逐。六萬四千餘家。撫鎮等臣各論功升賞。加廕未幾。而奴虜踐躁至矣。且當時加增蟒幣歲予舊賞五百金。每歲徵派錢糧貯庫。今首已阻貢。不當給賞。請勘復之。兵部行御史熊廷弼勘報曰。自撫順關起。至東川堡。迤東清河所屬。以至鰻陽一帶。爲成化中副總兵韓斌所定之舊界。內推孤山一堡。又迤東新寬大永長五堡一帶。爲萬曆二年巡撫張學顏總兵李成梁所展之新界。而新舊分矣。舊界外之新地。如馬根單散羊。

峪鹹塲等堡。所直霧兒口等處。猶得以出邊告種爲辭。至于清河之鴉鶻關。松樹口東安靖虜空向化。靖夷一堵牆之盤嶺各墩。一連九座長六十里。此皆舊邊也。今則縮守內地四十里。而七十里之邊失矣。孤山之張其哈喇佃子。西北接麟塲三十里。東南接緩陽五十里。先年雖建堡未果。而其地猶我軍種。萬曆二年所創。反講紅不崖。南河金口四台。猶軍我守也。今則以堡側古壕爲界。前項盡沒。而八十里之邊失矣。新寬大永長奠五堡。舊皆邊衝。邊外地曰松子嶺。

乾雞子十岔口青崖子文大人營鍋兒舊皆虜衝此
萬曆初年閱臣原議也。故展設五堡以鎮諸衝。今其
界俱在卽科臣所云雲頭裏喇叭泊等處亦俱在。若
以失去原展之地。強坐李成梁成梁必不服。但自設
陽界起寨兒疙疸迤東至橫江一帶徑一二百里長
約三百里。住民耕種已久。裸無逋欠。虜無爭競。此不
可謂其非我地。邊土人稱爲朝鮮餘地。成化中朝鮮
苦女直邀劫。請改貢道。兵部郎中劉大夏曰。不可。朝
鮮貢自鴉鵲關繇遼陽經廣寧踰前屯山海關迂回

三大鎮而後入。今舊鴉鶻關在清河之東北七十里。
正與長永一帶新地對直。若從鴉鶻入貢。此正經由
之地。遼志嘉靖十六年以前。鴨綠江西湯站堡東地
名九連城。南北順江一帶。遼人麗人住種混雜。交通
行竊。該國勘呈御史胡文舉疏請。此後遼屬軍民。不
許在此住種。朝鮮居民不得越江採取。其後皆爲我
住種。是以有鎮江城之建。此卽九連城故地。又先年
李成梁自險山展出一百八十里。卽今長永大三奠。
迤北新地二百餘里。當初無一夷居住。而我民始居

之絲是觀之。不論朝鮮餘地與否。順江以北。總是華夷共棄之地。不可謂其盡建夷地也。今則盡棄與夷。三百里之邊又失矣。此棄地之大略也。宋一韓又疏曰。宰賽席伯煖之強。復陸梁開原。與奴兒哈赤爲姻。癸卯之革賞是甲辰之伏賞非也。撫臣郝大猷倣誘殺逞仰之法。以于守志招宰賽于慶雲堡。置酒夜會。任國忠李克泰等。待李如樟至而成擒。不意虜覺而遁。銜恨轉深。八月之一舉而克東能屯。岳讓大小節諸屯。慶雲古城寧河諸堡。詭曰三犯慶堡。罪將安辭。巡

撫劉四科以爲海西建州二夷不修貢事者久矣頃
補貢一千五百名海車每八兩五錢馬每四錢五分
建車每十五兩馬每一兩廩餼鞭布饜而復移亦嘗
議如掩答故事俱止關外而各夷不從請如會典次
序每月起送五百人浹三月而止隔別之調停之便
巡按熊廷弼曰省餉消兵邊防大壞餉司以正項爲
羨餘假存剩爲節省蓋因辛丑餉司王之都所爲後
沿爲制誤矣兵給事宋一韓疏高淮亡賴有妻有子
營爲遼東稅監據鎮守之名陰蓄夷丁戰馬以數百

計藉口交易參貂輸情外夷擅糾文武大吏而獨芘
伏于李成梁宜撤成梁歸老亟罷斥淮侍郎楊時喬
等亦令糾高淮參隨爪牙狺狺不悛遼民喪生思亂
十已八九近日前屯衛軍因淮差吳景相散疲馬催
肥價魯國全鞭撻號頭遂致洶洶禁差毆斃甘心于
淮淮乃載重貲匿龍窩以自保也窮兇極貫罄竹難
書淮異謀蓄矣大司馬蕭大亨總督塞達巡撫劉四
科臺省交章具以撤稅監爲請自己亥罷稅開礦以
來至乙巳停礦乃稍樂生稅監高淮貪心愈熾取歲

馬散給軍。收好馬之價十倍。至于布靴香袋米麵諸
貨。無不派勒各營。及民間者。追呼鞭撻。歲無寧日。
陛下何忍全遼。陷于兇璫之手也。乞依律治其激變。
五月淮至永平。軍民復變。擊碎惡稅宋希曾等。淮露
刃挾主事李如楨同知王修行。乃得免。護其勑。槩
于新龍窩。于是四科具疏。極言其禍。有旨召高淮
還京。其夷丁附各營安插。三十七年四月。宋一韓曰。
廣寧無墻爲限。被患較易。頃者錦昌錦山之拒堵。我
兵倍有損折。而大勝堡陷矣。與去年慶雲。同一慘烈。

當杜松哈河免之捷。時該道馬拯慮爲釁。而殺屬夷。
遊擊于守志李懷忠。其責曷辭。兵部遂革守志而罷。
松。兵部曰。按臣熊廷弼科臣宋一韓。駁諭杜松搗巢
之功罪。互有所執。按臣哈流免之疏惡之。科臣大勝
堡之疏嘉之。及查遊擊高賢所報搗巢二十六級外。
其餘皆堡內夷人。是以開拱免之恨而速錦昌之攻。
督臣撤搗黃台而松搗拱免。故違節制。擅刻僞功。不
謂其決裂至此。宜先罷其職以勘之。旣而朱一桂祖
一韓。刺廷弼。廷弼復疏曰。松所殺降夷花冊有姓名。

証佐一百一十四頭。中軍崔謀斬五十五。則長嶺板
木沙河灰山之堡夷于守志斬四十。則大福大興之
堡夷高賢十三。則松山內之堡夷揚暉一十六。則白
塔寨兒之堡夷近來廉勇功正四字不明。松以此誤
知已任松者以此壞封疆庇松者以此混朝議亦以
地方之言正之而已。朱一桂更駁之曰。廷弼詘戰主
欵專爲斥杜松用馬拯而設。廷弼復數千言答之。大
略殺降之戰非戰也。和戎之欵非欵也。未可易視拱
首也。一虜動衆虜皆動。方與宰賽講時。而慶雲之堡

外極邊脩築益歛不防戰也。五月熊廷弼糾杜松大勝之敗以爲速怨挑隙急在復歛而已。任歛之人寧道馬拯是也。已而東虜禿計打不害三台去十等赴薊講誓亦已心折。六月熊廷弼曰春夏以來三面合虜拱兎報仇于錦義。宰賽挾賞于開原。牧夷糾犯于遼瀋。奴酋復遣蟒骨大率萬人築南關舊寨以圖比闢。又親領七千騎擅入靖安堡以逼開原烽火天連行人投箸此非文告所能歛者。遼兵堪戰不過八千人募勇敢分戍重地大約萬人因河西之班軍減河

東之額伍。又以河東之逃故。給河西之雙糧。救遼第
一義也。又請太僕儀馬三千匹。于是兵尚書李化龍。
條秋防事。以爲班白于宣。五路賴躉于薊。火落赤于
延。銀灰于寧。松海于甘。未若宰煖拱挿之于東西遼
也。而奴爲急。得旨僕漕十萬。班價五萬。南兵六萬。
戶工七萬。解遼以充募餉。御史顏思忠奏。建虜披猖
日甚。先是禮侍郎李廷機。遣客李維蔡。以書諭建夷。
謂虜意止于勒索。所以口舌折之。論者藉藉。謂奴首
之作逆。廷機書實招之。幾有仲淹元昊之謗云。三十

八年閏三月。兵科宋一韓因打鶯長定諸堡之破。與
熊廷弼駁曰。河東西虜情各不相涉。河東之虜患。始
于李成梁之誘殺宰賽。而慶雲之入也。李如楠擬死。
而成梁釋矣。河西之虜患。始于杜松之搗拱兔。而大
勝之陷也。于守志擬死。而杜松危矣。其實宰煖何日
不搶河東。我特與之以誘殺之名耳。拱貴何日不搶
河西。我特與之以搗巢之名耳。今以逆虜而槩目爲
啓釁。以東釁並責于杜松。倘其說行。是代李成梁任
罪也。又其甚者。以佟鶴年而學距賊一百八十里之

王威以王威而學距賊二百一十里之杜松。倘其說行是又爲佟鶴年開一面也。朝議竟罷巡撫李柄總兵王威降謝存仁治張昌胤等鶴年擬辟五月奴兒哈赤差火真稟驗貢本願去車價減貢夷退還地界遼撫李柄以爲可從也。南臺王萬祚曰奴外媚小恭內售密計其詞悖慢賞之是賞仇也。背盟缺貢屈本在曾畏兵豈畏賞耶。北虜封例候命境上陞下姑赦其前罪却其方物限以歲年保塞乃准倍賞仆碑歸逋於我何加焉。巡撫趙楫言招逋定疆之功罪。

益寬奠六堡。乃萬曆甲戌李成梁所建。後有言棄地
啖虜者。此時虜勢敗弱。成梁乘勢建堡。何畏于虜而
啖之。巡按熊廷弼請修築全遼屯堡。未然之防也。三
十九年四月。抄花連犯十方寺。殷家庄。及靜遠堡。遊
擊王紹芳備禦。張雲龍死之。已而抄花領其九子。襖
八反青等。營于延佛寺。挾賞入犯。總兵麻貴防之。益
懲于辛丑河東之役也。四十年八月。抄花率九月色
特兒等。糾乃蠻連犯鎮安。總兵麻貴陣兵以待之。自
辰至申。從黑嘴白雲。以抵可可母林。共斬首一百九

十級撫臣楊鎬馳聞。有旨告廟宣捷。台臣謂其姑勿宣也。田生金勘曰。鎬之爲釁。張五典勘曰。血戰之爲功。楊鎬爭之曰。會典所載東虜乃蠻。不與宣大貢夷同功。原不禁其趕馬勦帳。升賞之例森然。柰何挫之以文法。貽四夷笑也耶。奴兒哈赤殺其弟速兒哈赤。并其兵。復侵兀喇諸酋。十一月遼撫張濤報寧前之役。昂會台吉會合卜喇杜萬騎從黃土窩入掠。叅將郭有忠禦之。斬虜九級。劉家山口遠伏有忠亡于陣。二十四曹莊之役。虜殺擄千人。祖天壽李應選。

匿不以聞。巡按張五典劾其事四十一年。奴兒哈赤以郭夷阿都乞于松山堡對直開墾。並乞子粒于邊人。邊人告曰。南關故地。非建州地也。已復又遣其婿卜古台投入金白之羊骨寨。巡按張五典疏謂。奴酋種南關久曠之土。以便其窺北關之謀。又賄西北嗜利之虜。以廣其吞北關之力。請救助北關。爲開鐵門庭。討之。五月平虜之劖也。按臣報鹵略無筭。而撫張濤題敘堵截功。御史李義星駁之。八月乃鑿勾克石炭等。從錦黑台六川河分二隊而入。叅將李繼功等。

禦之。斬捕二十級。內昂轟者首也。九月奴首具番漢文字。乞質子爲誓。遼撫張濤遣籍大成往訂焉。奴晏宜大成。遣其夷七子巴卜海夷三妾真哥所生也。頭目于骨里付之。副濤口奏曰建奴比年以來人有異其論令退地不聽者矣。人有異其論令改碑不聽者矣。人有異其論令送還吾兒忽答摩羅合不聽者矣。人有異其碎札帖鎖通事李得時於鐵房。三月不放者矣。茲則俛首割愛。殊出意表。一切官賞自有舊章。濤蓋詡爲曠典英猷云。十月給事張國儒奏甚矣遼撫

張濤之輕躁也。一聞邊聲。五官易主。卽有清河之報。
徵調薊門。旣而杳然。未幾有平虜之敗。損卒千人。逞
臆倖功。興築二千餘里。未幾有質子之事。奸人籍大
成主其謀。誇爲遵父治命之愛子。妄比北虜封例。艷
爲美談。未幾有焚刦之事。燬燼千家。濤吞奴餌。而不
能吐。且曰北關爲盜矣。法宜褫。巡撫張濤曰。北關世
犯遼東。金白二酋之裏。逞加奴仰加奴也。其父卜塞
那林也。慘毒邊圉。卷案如山。今哈奴強來依于我。歟
血除奴不勝大願。該道有移戍北關之策。而長二千

里之地。兵饑城外無端烽火。難以翼飛。爲遼計。妨北事。爲北計。妨遼事。先遼乎。先北乎。遼按。張五典奏。鎮安之捷。因抄花三犯。革其賞。遊擊尤彪。戰勝于母林。去邊百八十里。母林非抄花巢也。非無故而搗其巢也。平虜之役。官軍屠戰宰賽。宰賽者。開原撫虜也。非開釁也。御史田生金駁之曰。遼積弱。安得此。復行勘之。炒酉夷三子。色特兒以三十九年八月行營于可可母林。入鎮安口。我軍截殺麻炭三十六頭。魯之東追于黑山。斬首八十七。尤世祿等追至白雲。斬首六

十七。劉仲乙等追至母林。斬首七十二。我兵耗三百人。大帥麻貴撫揚鎬也。時酋圖其壻卜台吉。卜投北關。金白二酋納之。奴兒益墾南關曠土諸營。詣遼告急。奴兒好語謝都御史。謂撫安等區耕牧日久。惟新墾者槩罷。張濤揣情形上書。謂北關近開二釁。其一建酋求婚北關老女。北關不與。而又匿其逋壻。其二謂金台失有女爲兄。那林收養。嫁西虜。宰賽反目。酋故殺那林妻。宰酋乘隙挾求老女贖罪。于時副將曹文煥盟北關。將援之。奴酋計縻我兵。以第七子願

畱質度我弛備卽嚴兵燒北關十九寨。總督薛三才
疏爭失策。請先募二千餘兵令原任總兵麻承恩曹
文煥分統屯開原待其變。頃之御史翟鳳翀言奴酋
不在壻女以天朝作外夷撮合名汚而體褻比關勢
必不支。今日宜急救以完開原北關爲西虜抄掠部
落苦饑投奴甚衆矣。四十二年正月奴具六萬騎攻
關巡撫張濤移鳥銃手五千人防守開原境。于是奴
酋自訴北關興戈數千二百乞太師馬法察之。七月
奴酋差阿都報命于遼按郭光伏日三岔兒花包冲

撫安柴河松山靖安六堡地。遵洪武老邊。豎石碑鐫字曰自萬曆四十三年春永不敢來此越種漢人亦不許出邊五十字。其種地夷五百耕牛一百六十隻。盡甘結退先是去年所退三堡。今春復來至此悉還漢矣。六堡係南關猛骨孛羅之地。指碑爲誓。離遠二十里輸服無詞。夫奴酋假爲搗尾。擁兵自衛。退四堡二十里之地。鐫立界碑。總之與婚婿皆枝葉也。婚婿固不能保其不吞北關也。退地雖遠。豈有重關百二足限之耶。奴之反與不反。固不在是。奴具狀數千言。

多屬慄慢。大約以中國之獲北關。北關得我羊錢。其女已三十三歲。青天當怪腦之。我以女與卜占台者。三人矣。卜占台與北關同心。又強奪我所定之女。天朝宣進卜占台于內地。青天當恠腦之。北關又讒我作反犯邊。我有牆外草國起事。天朝出牆護助。青天怪腦中國大人。張濤曰其必殺金台失白羊骨二酋。有如此者。奴酋減其騎騎。入撫順堡。告于李永芳曰。我忠順如故。而裏邊携我。此金白之讒也。金白畱老兒。女羊錢而又他許。我是以問之。不受宴而去。巡按

翟鳳冲奏其情。御史董定策奏。遼撫張濤。中奸人籍大成之魔。交通質子。質子入而濤爲奴制。質子還而濤爲奴輕。北關已構焚刦。逋胥尙利執言。濤乃虛張救勦。掩其遼東棄北之詐。濤恢誕無人臣禮。籍大成當與沈惟敬同其罪。奴酋新入撫順。告張濤曰。高太監作害萬民。而給事喻致知引之以諫。張濤陳邊情。曰。北關所守者。二十餘里之邊也。奴酋所守者。七百餘里之邊也。救北恨奴兵餉。當從何出。未易動也。四十三年七月。北關計以老女許嫁。煖兒子駱駝十馬。

萬牛千頭。奴乃曉曉。謂漢人陰教之。卽不我與亦勿嫁。兩息兵戈。開原道。召北關酋婦而語之。故爾度力能敵奴。奴昨破焚爾寨。不能當也。北關對老女久與西人盟。今背之。西禍起。不如結于西。怨于東。尚賴天朝火器手之助。八月巡按王雅量奏。北關竟嫁老女矣。奴已蠢動。幸有廟算。不問其婚婿之故。今日之救北在我。搗奴在我。彼已虛實。自決者勝。閏八月虎墩兔慾糾乃蠻克石炭等連騎十萬入寇鎮遠諸堡。付將李懷忠等堵之。四十四年二月。總督薛三才曰。建

酋連四虜圍併北關已決。麻承恩曹文煥舊援新募
已得四千人爲一營。而開原道薛國用近報所議餉
二萬八千金已竭。慶雲威遠鎮北距北關爲唇齒地。
宜宿重兵以李効忠主之。非十五萬金不可。清河兵
私出松山採木爲奴酋部落殺掠御史王雅量叅遊
擊馮有功戴罪。四十五年正月宰賽卜兒亥糾犯開
原永寧三月而悔過。僥額孫大煥免以自新付帥李
起元叅政馮暖予以一駝一馬遼撫李維翰受其還
虜者六十人請復其賞可之。四十六年四月十五日。

奴以入市爲名。勒衆三萬。陷撫順城。二十一日尤世功自瀋陽。文明象自靖安。朱勝擢自長勇。頗廷相自遼陽。滿世芳自海州。總兵張承胤與梁汝貴。卜向續。自廣寧馳撫順。爲四營賊聞之。焚城而走。李維翰紅旗催戰甚力。張承胤奮往墮其伏中。遂沒。裨將頗廷相梁汝貴。滿逢芳。把總魏居正。王孚道。萬邦寧等五十餘員。頗重出入。殺掠無筭。遊擊李永芳。趙一鶚隨之而去。千總王命印大罵不降。遂支解之。詔贈蔭。祠祭有差。五月十九日。奴剋撫安白家冲二堡。臺省

論列李維翰罪狀。有旨李維翰解任聽勘。巡按楊一桂罷回。起舊撫楊鎬經略之。鎬薦劉國縉爲贊畫。從燕議也。熊廷弼爲監軍。從楚議也。奴酋以令箭長馬送還漢人張儒紳張棟年四人。給以印文。賚進夷書。佯爲求款。內有七宗惱恨。中含要挾輕侮之詞。問其人則曰。東廠所差也。莫不駭愕。御史唐世濟論其事。乞勅法司以究通夷者。賜總兵張承胤謚。巡按張銓言。凡大將以克敵爲功。一死豈足以塞責。以朱子綱目定死難之品。張承胤正在喪師辱國之例。不當

予世蔭予謚矣。五月南兵書黃克纘應部調水兵三千以遊擊查國輔統之。北邊所調宣大山西兵馬一萬廢將張萬邦馬林統之。延寧甘固兵馬六千廢將趙夢麟統之。七月二十二日奴自鴉鶴關入攻清河城守將張旆嬰城以拒之中鳴鏑死。鄒儲賢發火攻之半日而藥盡。奴戴大木蔽身掘牆牆圯遂陷。士馬六千人俱沒。儲賢斬其愛馬焚其衙室。賊將李承芳誘之不從。大罵力戰于南門而死。守備陳大道等遁焉。經略楊鎬捕梟以殉。惟時本道閻鳴泰鎮臣李如

柏移懿路。馳援奉集。已無及。帥賀世賢防于靈陽。
遇奴奮斬一百五十一級。奴大驚。從曹子爲而去。大
虜犯大清長勇。以東西分我力。亟起宿將杜松劉綎
官秉忠柴國柱李光榮等。夫何迄今數月。悉未出關。
互相譖望。請比魏學曾之勦劉東陽。李化龍之征楊
應龍。賜尚方劔于楊鎬。使不用命者軍法從事。
詔曰可。其有懷謀倡亂徒奔臨陣逃潰者。如陳大道
例。卽梟軍中。巡按陳王庭劾奏。大帥麻承恩不救。清

河之失。聞虜揚塵操刀不割。王牧民旣安西虜承恩。輒納抄花部夷百五十人。及奔清河降夷輒叛去。承恩法當褫。時軍律蕩然如此。給事亓詩教吳亮嗣議。以楊鎬旣過河宜補廣寧巡撫。兵部爲之請。遂以周永春充其官。七月朝鮮國整兵萬人。馬七百騎。差陪臣李慶請硝黃曰。小邦昔奉憲宗降勅。夾擊建州。以陪臣魚有詔領其師。孝宗勅勦建州。以陪臣尹弼商領其師。茲者候勅有所進退。經略楊鎬以聞。九月初五日鐵嶺遊擊鄭國良。瀋陽遊擊龍世功。楊

于渭。偵奴聚營于撫順關外。入犯瀋陽。大帥李如柏。乃率援衆遇于撲老屯。拒斬七十六級。揚鎬奏制東夷在先。欵西虜。乃有已欵而未堅者。虎墩兔慤以東。則杪花煖兔宰賽卜兒亥等酋。以西則拱兔擔臣台古反青黃台吉等酋。或以十數營稱。或以二十四營稱。皆擁強聚衆。而乃變兄弟之七營。又在東西諸虜之中。正負廣寧錦義之中。皆未欵而屢逞者。旣十三季久矣。茲向遊擊王牧民講警。增賞二百金。足釋內懼。曾獻駝馬以贖其愆。御史田生金曰。奴逐原野。其

技幾何。宿將勁兵。唯我所之。鎬之才力。足以辦此。四十七年。兵部郎董承詔言。唐九節度之師。潰于相州。以無帥以統一之也。今將多而難調。遼事尙多可憂。北關金台失來告。曰。勦奴自一寨矣。大學士從哲方移書楊鎬。趨戰甚厲。有師老財匱之旨焉。二月。經略楊鎬既決策入告。乃以十一日誓師遼陽。凡分四路。馬將軍林遊擊麻巖。丁碧等。從靖安堡出邊。趨開鐵都司。寶永澄督北關之衆。攻其北。杜將軍松率都司劉遇節等。從撫順關出邊。趨瀋陽。攻其西。李將軍如。

伯率參將賀世賢李懷忠等從鴉鵠關出邊趨清河攻其南。劉將軍綎率都司祖天定等從晾馬佃出邊趨寃奠。及都司喬一琦督朝鮮之衆攻其東。計勝兵可十萬而瀋陽路最衝。以_孫堡定總兵王宣原任總兵趙夢麟並隸戲下更令原任總兵官秉忠駐遼陽。總兵李光榮駐廣寧誓已梟撫順陣逃指揮白雲龍殉衆期二十一日先後出師杜松越五嶺關前抵渾河棄車營趨利半渡賊萬餘忽遮擊衝我師爲二松血戰突圍自午至酉力竭師殲焉馬將軍林改由三岔

出塞翌日方抵二道關遇賊乘勝來攻亦敗績開原
僉事潘宗顏及竇永澄麻岩死之劉將軍綽獨縱兵
馬家寨深入三百餘里剋十餘寨朔四日賊詭漢卒
裝誘墮于重圍夾攻衆遂潰綽及軍鋒劉招孫等竝
歿唯清河一路李如柏以經略令箭撤回獲全朝鮮
國王願親提兵五萬合勦已竟令他將引萬衆從劉
將軍先登遇覆盡殪而北關於朔三日方以二千衆
赴三岔北則三帥已陷矣御史陳王庭稽陣亡將領
三百一十四員大將杜松裨將吳光先劉太中劉大
臣羅四維王官趙文保李芳齋大將

趙夢麟。禪將杭卿。梁通喬。鎮疆。趙夢陽。傳元。說趙世胤。趙禮。臧體元。趙昇。趙熊。趙虎。趙勇。趙堂。杜同知。趙虎。田秀。趙大化。保定。大將王宣。禪將李天培。張聯輝。洪印。宋良卿。劉繼祖。馮廷佐。鍾國臣。賈封方。實高文開。張大定。郝彥禮。靳國臣。郭尚仁。王尚質。張耀。魏應科。劉登利。劉經。劉邦謨。禪將楊欽。楊英。王舟。柴志羔。孫夢家。王應科。李正。陳彪。趙得英。白宗益。王樂。劉聚良。廖尚賢。禪將王誥。金伏初。別廷弼。齊進忠。王承爵。李錦。董晃。禪將江萬仞。張虎。劉秋江。王月。王林。陳國旺。江亮。禪將李希泌。李國良。徐應文。王卿。王國光。樊志道。李標。李應魁。劉鈴。洪良機。葛呈章。金子清。周武德。天津禪將施鳳翔。王加英。朱中馬。永壽。禪將萬教。談順德。彭守祖。陳萬善。王友功。高顯。劉合勸。郭承宗。張有名。黃承武。李先貴。王廷用。劉忠漢。蔣守道。李良。王柱。龔會遂。張天祚。岳頤。王佑。王弘化。雷應龍。岳芳。陳盡忠。梁惠民。固原禪將柴國棟。崔成孫。大江。陳中孝。馬曉。甘州禪將張大紀。高科。臧繼科。孔一貫。劉

天爵甘州。裨將汪海龍。趙用賢。王維賢。張大化。朱國輔。汪宗弘。延綏。裨將李鳴鳳。安應龍。僉事潘宗頤。通董爾厲。副將黃鍊。裨將宋德隆。馬燧。楊一科。李鶴禪。李日墓。張桂。江應聘。陳國。王天吉。啞汗。兎。李承恩。馬灼。馬烟。且力太。海代喇。入汁。楊登科。李毓華。王懷智。劉尚胤。王効忠。朱邦孝。詹國澤。杜福。王國印。齊和猛。克虎。魏思賢。庫承恩。尚志桂。王應乾。單秉德。董引。曾鳴。宮伊。湯聘。康民旺。丁維盛。郭之翰。劉興周。閻原副將麻岩。周大盛。程濂。王仲賢。冷載。賞。麻寶。麻進忠。魏相打代。趙仲舉。腮介哈藍。代李尚仁。鐵嶺。裨將鄭國良。趙雲龍。趙廷簡。姚守魁。曹烈。趙奎。海州。裨將祝世太。蓋祥。下鍾。魏國勲。魏龍鱗。江萬春。黃鑑。陳王澄。李維翰。刁國瑞。康世泰。廣寧。裨將胡邦奇。閻有功。鄭國忠。高良玉。趙鎮。李雲中。未萬興。張進忠。趙祥。大將劉綽。裨將劉朝元。劉招孫。劉應祥。李士玉。馬進忠。劉吉龍。吳志文。劉申二。劉思勝。王光遠。劉尚易。劉廷諫。王國泰。胡卿。田見龍。曾朝卿。南京。裨將姚國輔。龔

于明張應豹徐國用楊遷張成功。張登凌應舉。樓得勝。樓憲張得衆程良貴。張大勝。杜大和。徐國圓。吳大憲。鎮先禪將江萬化。江應聘。董孟春。王尙忠。姜良相。史一元。劉廣。劉朝。金國棟。鎮江禪將喬一琦。金文麟。漢惟屏。龐養德。馬應瑞。寬奠禪將祖天定。齊天爵。趙某。劉魁。夏時正。劉鎮邊。岳維屏。張明遠。諺陽禪將徐九思。李茂先。朝鮮官軍一都。元帥姜弘玄副元帥金累端。詔贈廕祠祭虎墩乘。

機挾賞擁數萬臨廣寧邊。時周永春以爲喪陷非吾事也。乃疏鎬之失曰。何不幸而臣言中之矣。蓋鎬意存和夷。永春意存和虜。似截三岔而分功罪。是時總督退任薦。而遼撫退任廣寧。縮首皆脫責自倖矣。詔總督汪可受移駐山海關。復起前御史熊廷弼。馳

渡遼尋授經略之任。兵尙書黃嘉善率九卿科道叩
文華門。請發內帑。特旨允給四十萬兩。李如楨候
勘。巡撫周永春請以其弟李如楨代將。奴酋僭號後
金皇帝。改元天命。李如楨至邊。與經略總督爭禮。曰
吾少保也。及廷弼至。得其拾殘級之僞。曰。如楨十不
堪也。請李懷信代之。五月。給事中李奇珍彈劾李如
楨。曰。奴弟素兒。生女甚美。栢納爲妾。生子已十四歲。
是以鎬等歲糜數百萬。拱手媚奴。苟圖目前之無恙。
若遣將調兵海運粟米等事。一切視爲不急。無奈廷

議勦伐紛紛。已大拂其願。而杜松劉綎輩。誓必裹革
吞胡。斷不與賊俱生。無怪乎柄鑿不相入矣。鎬等揚
以勦爲名。陰以和爲實。從來未見秘策奇謀。而一迫
於馬上之催。倉率舉事。自不得不以松綎等爲一擲。
以破勦之非。而自實其和之是。聞出兵之先。如栢與
松講解。謂吾今願以自功讓爾。松遂躍躍鉦鼓。獨當
撫順之冲。臨期又以訛言中之。使人謬傳如栢自清
河進兵。奴酋已被擒矣。松不甘以首功讓人。因奮不
顧身驅而陷賊伏中。而如栢惟按兵塞上。樂觀其斃。

而已脫其禍。暴骨沙場者。尙嚴輕進之誅。臨敵苟免者。反蒙全師之譽。無惑乎。麻承恩之有後言矣。翰林張鼐曰。劉鋌轉戰十五寨。殺奴無算。與劉招孫皆死。肝腦塗地。猶曰違制。曰輕敵。是豈有人心者。朝鮮二萬甲士。盡沒從征。宜捐萬金。優其賞格。巡撫周永春。請賂抄花虎憨等。及鼓舞朝鮮。又疏請帑金二百萬。釋罪將郭有光。劉孔胤。麻承恩。各納馬贖罪。往援遼。可之。六月十六日。奴萬騎從靖安入逼開原。寅至已卽陷。推官鄭之范從北門出。守將何茂官。朱梅。往南

而行撫則周永春按則陳王庭也。赴戰沒者總兵馬林副將于化龍高貞于守志也是日西虜亦以三萬騎圍鎮西堡居民盡奔于鐵嶺七月二十五日奴從三岔堡入竟陷鐵嶺時鐵嶺婦人先徙惟等帶兵五千守之聞風悉返二十九日西虜數萬從鎮西入李如楨賀世賢遇之于熊官兒屯臨敵斬級一百六十有奇楊鎬曰城已失守幸免再跌彼驕也少挫此懦也少起奴于八月二十一日先攻金臺失寨隨攻白羊骨寨同日焚陷以故南關裔指揮王世忠爲遊擊。

以風屬夷焉。九月熊廷弼曰。遼爲殘兵者逃陣之餘。
生氣垂盡爲額兵者開原清寬撫斂與營翼併已消
亡爲募兵者朝投暮遁聽警駭飛爲援兵者羸弱應
命馬斃甲穿旣以恠怯喪中國之積威又以虛糜重
海內之隱禍自喪敗來徒戎以下死者五六百員零
碎弁流稱戈膽落故意刺馬覬免出征遼人侵染胡
俗賊殺其父母妻子不恨而一聞公家之役怨不絕
口賊遣行奸細輸情用命軍法能行于各將各將不
能行于逃軍制置能行于道府道府不能行于逃民。

惟有哀鳴涕泣而已。於是選于各邊將領，征調江應詔等九十六人。江應詔毛有倫王有光王國萊姜弼黃士英閔正名夏國卿張總方承勳麻皆崔承恩張萬化邢進邦李承芳馮大梁尚志弘鄧登科李秀王永禎戴名袁大有沈應業薛栓住張斌李榮李蒲化何光先杜文煥杜勇孫雄尤岱侯體乾侯世祿馬雄武貴葉光先張治化田茂梁仲善孫光禧郭虎田應龍魯胤昌王汝金保國忠羅一貴楊肇基祁煌張世胤戚金陳九思陳策陳寅童仲揆張大道張世應雷安民韓錫王叢郭惟宗陳一龍王興業許承明蕭聲錢世楨張國棟張惟德王成龍張思仁李表張應鄰陳與王王千斤徐武石應羅蘆無敵又請罪將四人張名世周敦吉張神武莊安世薦邢慎言兵備高出胡加棟監軍已又

謂大將李如楨不能直守瀋陽。而坐視開鐵之喪。法宜褫道臣韓原善力任恢復。請勅瀋陽責成之。廷弼又擣尚方劙繫逃將于轅門。數之曰。從張承胤而逃。從杜松又逃者。非劉遇節乎。臨陣背主先逃。杜松呼之不應者。非王捷乎。鐵嶺旣陷棄城而逃者。非王文鼎乎。衆曰然。卽麾斬之。乃設六壇以祭死事諸文武者。大哭致哀。開原推官鄭之范以逃被劾。奴遣賈朝輔爲回鄉擊鼓而見軍門。廷弼問其故。則撫順生員也。奴竟剋北關。而後并力于瀋遼。于是亟調李懷信。

朱萬良出關。而以何奮武住山海。十月初春。聞警時。
廷臣議起熊廷弼爲宣慰。姚宗文閱視兵馬。兵書黃
加善。以爲請宗文行閱。主事邵可立佐之。徐光啓往
朝鮮。未報。至是得旨。姚宗文速出關。相機行事。北
關既陷。其酋長子姓部落何在。著于西虜處。查明優
恤之。熊廷弼曰。昔金粘沒喝臨河。以虛聲嚇宋人。擊
鼓達旦。兵十三萬盡走散。今遼兵畏賊。風鶴自驚。何
須擊鼓。前日之不復清撫。以失開原舊轍。不遠卽後
來之不復開原。以棄遼危京。榜樣同然。臣議新增七

萬先調一萬隨臣出關以壯聲勢右牽左掣尚望其
他乎十二月遼撫周永春以爲虎墩兒憨糾合諸酋。
哈喇侵打喇明暗蠻金爪兒兒黃把兒因得革兒肆
患方大乞將西來勁兵二萬一千分防于廣寧寧前
間仍令李光榮回前屯柴國柱出山海移廣寧爲西
虜備薊撫劉曰梧爭之時永春黨方盛曰梧力不能
得部如永春議不敢違薊門愈單矣四十八年正月
熊廷弼以爲催兵愈嚴虛應如故皆紙上之兵也。冲
戰之地止得柴國柱賀世賢李懷信一萬六千人每

談賊色變。陣脚不定。親丁數百。勉強支吾。虎皮以東。
設防示弱。不如更番傍遼城。拒守之爲穩。閱臣姚宗
文。亦勸其回。使臣心膽俱裂。于是濬濠築垣。借水爲
險。人始固志焉。是役也。調兵十有八萬。二月刑科曾
汝召。及李奇珍等。曰。監朝鮮之說。徐光啓自請行。莫
若遣劉時俊爲宣慰護之。練兵于義州。資唇齒也。不
報。五月姚宗文條議屯田。借力任民。廣墾於四衛。戍
謫移種于寧錦。以來斯行海運于天津。以康應乾團
結于寬奠。襲替者輸糧免查。捐助者激勸作氣。守備

嚴正中捐粟五千。李鑛捐千石。王化溥捐馬五十六
騎。花獻宸助兵一百二十名。豆百石車六輛。福將捐
二百金。豆二百石。麻承宗輸大車二輛。牛十六隻。皆
四衛募義之武也。海運一節。東撫王在晉。極言其難。
十六日熊廷弼奏。旬月之間。文武和附。乃敢主張守
瀋。以爲南顧海蓋。北規開鐵。東逼賊巢。漸進轉蹙之
計。泰昌元年九月初六日。虜以前月二十一日大攻
瀋陽。不利而去。復從蒲河副帥賀世賢堵之于大塚
臺。斬捕二十六級。二十五日虜從三岔兒石碑犯灰

山。世賢遇斬八十九級。十月二十日。上日講畢。傳
遼事三條。一。佟卜年係奴族。如何升僉事。劉國縉被
劾。如何起用。二。胡加棟贖罪之功。如何在天津三御
史安伸劾主事張某如何不伏。于是熊廷弼條答之。
十一月初一日。虜以萬騎從榆林大窪入犯。賀世賢
部爲十目。分鑿前後。斬捕一百六十三級。天啓元年
正月。經略袁應泰以復撫順爲備。曰撫順六帥。賀世
賢。李秉誠。張良策。主之。尤世功。陳良策。童仲揆。佐之。
清河三帥。侯世祿。梁仲善。姜弼。主之。寬。鑾。一帥。劉孔。

胤主之。監軍則高出張慎言牛維耀胡嘉棟也。以官秉忠守蒲河。以李懷信柴國柱守瀋陽奉集。時有降夷黃把都兒等千人。賀世賢等收之。兵科駁曰。勿墮賊術也。三月十一日。奴載鈞梯傾巢而來。半度渾河深入。十二日攻犯瀋陽。援將周敦吉謂與瀋陽內外夾擊可以成功。士卒亦踴躍爭先。陳策童仲揆尚在疑豫。及十三日瀋陽陷。諸將益憤。曰在此三年何爲者。石柱司秦邦屏先渡河。戚金張明世以浙兵三千營于河北。渡未半。虜以鐵騎撲之。諸將吳文傑等奮

斬賊二三千人。賊却而復前。如是者三。圍益衆。遂不能支。皆死之。鄧起龍袁見龍。奪橋南奔入浙營。賊追及。圍之數重。火器旣盡。俱敗沒。周世祿衝突而出。惟朱萬良姜弼兩軍。距渾河數里。聞浙圍急。方整陣而紓。已無及。巡按張銓請恤忠魂。治懦帥以明軍令。浙兵回者尙萬人。可成一軍。已撤奉集威寧之兵。并力守遼。撫臣薛國用宜帶河西卒。移海州。督臣文球宜帶山西卒。移廣寧。山東水兵從海道抵益州。而通州民團與內帑俱亟發。有旨。逗遛者戴罪輔臣一燁。

劉尚書李汝華卽出視事。小臣議論煩多。大臣畏譏。
不任成何國體。速會議之。奴酋于十九至四里舗。經
略袁應泰。卽督催總兵侯世祿。李秉誠。梁仲姜。弼朱
萬良。叅將周世祿等領兵拒敵。經臣與按臣張銓。登
城指揮。經臣親自出城督戰。按臣留守。兩軍相當。互
有勝負。經臣夜宿營中。不入城。二十日相待。二十一
日賊衆擁砲車過河。在山東結一大營。官兵陣于東
城外。相對發放火器。官兵未交。賊遂以步兵攻小西
門。經臣急退入城。與按臣分疆堅守。又出各監軍。催

督各將領合力救援。監軍牛維曜從小南門突圍，被賊砍射落水，扶傷而起。有馬達賊攻東門，兩處夾攻，火器幾窘，殆不可爲。經臣按臣與分守何廷魁三人，在東樓共欲慷慨赴難。經臣曰：「泰不才，微尚方寵靈，固誓以身許。按臣無閫外責，尚可收拾餘燼，爲退守河西計。」泰死且不朽。聞各門并攻益急，三人復分城死守。至酉時，小西門火起，夷賊先登。遂有內應，開門以延之者。城內大亂。經臣知勢不可救，登樓引刀自裁。按臣罵賊不屈死之。守道何廷魁視其二女二妾

投井而後從之。監軍崔儒秀自縊于都司堂上。比曉，賊曾始入。出示安撫百姓。令二叛將收集西兵。許以月餉三兩。人皆剃頭隨順。當是時。諸將統兵在外。見城中火起。知已陷矣。遂四潰。各監軍因而西奔。卽死事者。大帥張神武。楊宗業。梁仲善。郭有光。偏裨劉芳聲等五人。曹登衢等三十三人。張郢等九十二人。各陞級蔭襲。土司冉見龍。李柯。彭卿。彭應勝。彭相舟。秦邦屏。秦邦翰各有贈。四月吏部都察院接聖諭。遼忠日迫。防禦所先。限三日一類奏。各工器限十日報。

完大臣慢無主持。依違悞事。如熊廷弼守遼一載。未見大失。換袁應泰。一敗塗地。倡議何人。扶同何官。將祖宗百戰封疆袖手送賊。若不嚴核。何以懲儆其廷弼更換及參論各官。詳開來看。遣朱童蒙往勘遼事。乃褫閱科姚宗文爲民。張脩德馮三元魏應嘉各降三級。郭鞏調之。起擢廷弼尙書。兵科蕭基劾姚宗文失策者三。冒罪者五。以四千金餉虜婦。虎墩兔_{憨之妻}猶黃葉止啼也。五營之衆。伯裏子之悍。煖兔巴陵之獵。杪花之詐。而王猷創言三千人。貢路從桃林入。是開門

揖盜也。二十七日海州吳金祖叛。李光榮等圍之。童
毓秀被砍于此谷口。竇承武從南谷口進而焚其頂。
賊遂平。監軍王化貞揭曰。賊寇遼陽河東嚮附惟礦
兵南衛不從。奴欲除之。此時有兵三萬住之河上。而
咱巴兎紗花以利結虜驅奴。正可間也。監軍道高出
揭曰。河西似不能存。不如棄之。明諭西虜。俾以廣寧
地使奴虜擣。而我以全力守山海也。御史劉廷元劾
之。有旨逮出于詔獄。九月巡撫王化貞報曰。南衛
屯民俱結聚鐵山上。奴衆仰攻被傷數千人。奴求救

于遼城率八千人持一月糧爲困圍鐵山計。九連城有大姓繆氏兄弟五人各捐萬金收積豪傑而我不能援之。侍郎王在晉曰衆怒堪乘也。熊廷弼曰三方布置有名而無實也。臣意謀襲蓋州還斷賊路以解鐵山之圍而撫臣以非萬全不可動兵機之變呼吸不容髮臣如決主于下而密奏時之機或非會議時之機。皇上裁決于上而奉行時之機倘非發下時之機皆不能無滯碍也。十一月御史方震孺領帑金二十萬賚卹遼瀋開鐵撫清陣亡將士及血戰冒矢。

石者。設三壇于郊。大哭之。宣示朝廷德意。旋奉按差條奏。經撫心無不同。做手各異。撫臣銳于滅賊。賊未可滅。經臣曰。守具卽爲戰具。人饑馬疲。守且不能。以何爲戰。撫臣曰。正惟不能守。所以當戰。經臣曰。糧何在。撫臣曰。我過河而海州之糧因之。經臣曰。旣過河。當想守法。想援法。不然亦當想退法。撫臣曰。我一取牛庄。彼中响應。定有縛叛以獻者。于是諸道將皆浮沉于戰不戰之間。守不守之際。凡事牽制者多矣。二十四日。遼撫王化貞。謂連日人心大奮。西兵欣然。

乘銳過河。取海州一戰。而遼陽可伏。經略廷弼。乃請督臣移鎮。樞臣催援矣。王化貞曰。南衛人心爲可惜。西虜情狀爲可招也。王在晉曰。西虜未足恃也。大學士向高葉奏曰。毛文龍鎮江之捷。撫臣以爲功。經臣以爲罪。皆可勿談。而言者屢以經撫不合爲說。夫廷弼爲趙充國。化貞爲辛武賢。亦何不可。如使阻撓廷弼。付之廷議。爲他日藉口。則與杞檜何殊。向高因擬部科二臣往諭解之。廷議非便。向高又奏曰。經撫不和。坐視成敗。義則何安。懸斷其是非。意不難定。撫

臣作法不如經臣之穩。今不明白處置。封疆廟廊。互
譏並諉。外分火水之形。內助左右之袒。轉盼之間。奴
且過河。將得罪于九廟神靈矣。兵部會議。論其竭力
遼事功罪一體者。張問達等三十四人也。罷經略還
劖帶另推經略者。王紀也。專用遼撫。賜劖許以便
宜從事者。周如磐也。專責任經略。人臣不當不和者。
黃克纘周道登李宗延許維新馬逢高也。不許經略
脫卸。應削奪職級待罪者。張鳳翔董應舉也。責成二
臣分任其事者。史弼周希令等十人也。撤回經略廣

寧巡撫陞經略者。王永光也。令各自任者。何士晉孫
杰。汪慶伯也。專責撫臣戰者。太常林學曾等八人也。
經臣別用。或移薊鎮。或召還京。或駐山海者。兵科
蔡思克等。御史徐景濂等九人也。經撫撤去其一者。
侯震暘也。三說調停者。王遠宜。潘汝楨也。專責本兵
出代經略者。惠世揚。周朝瑞兩人也。登萊廣寧二撫
互換者。徐揚先也。必不得已而去其一者。李精自也。
二年正月二十一日。總兵劉渠分十三部。迎敵平洋
橋。奴竟撲金鑄。劉征擁衆。遂奔渠陷陣死。傳烽直撤。

廣寧江朝棟領六千人馳西平。望賊而返。堡未及其半。西平城中火起矣。先七日監軍高出總兵祁秉忠守鎮武。監軍韓初命亦來合營。周守廉見賊先奔。羅萬言亦奔黃圈。而鎮武遂失。西平繼之。羅一貴祁秉忠戰死。兩監軍急請設輕兵于閭陽。一援廣寧。一防西虜。是日廣寧生員群趨化貞署。諍守諍逃。相閔而擊逃者。捉刃以砍守者。詎化貞縛化貞。思獻奴爲首。勸化貞中軍孫得功黃進。則已大倡迎奴香花龍亭。盈于市。傾城軍士出奔。奸細藏殺男女。枕藉糜爛。以

萬計。化貞大呼死不足惜。大開城門縱民避難。叛弁已封庫釋囚待奴。監軍牛象坤副將倪寵陳一元江朝棟從化貞以一馬從西門出。是日廷弼繼援三屯。夜半相報拔刀自刺。僕熊五抱救之。二十六日化貞馳大凌相見執手而哭曰。叛將誑我一至于此。叛將傳李永芳意。奴懼遼人狎西人也。亟罷西兵專用遼兵。一鼓過河。斬慄內應。化貞信之不疑。故罹此敗。二十三日。西虜聞變。哨騎人擄鈔綻狼藉于市。叛將果過河迎奴。奴尙駐沙嶺。終疑忖。奴子乘馬墮地死。竟

亦不至逃難民數十萬擁廷弼于右屯。廷弼慮關門
有意外變乃以身護百姓先入關通政許維新朱一
桂大理馮從吾太常董應舉太僕何喬遠合疏請速
斬經臣以保社稷蔡思充並叅經撫有旨經撫姑
戴罪高出胡加棟再逃縱騎逮之監軍高邦佐赴松
山謂其家僮高永曰好收吾骨葬先人墓側遂自縊。
高永曰義不負吾主殮畢亦縊二月巡按方震孺再
報河西不守之故臣在前衛去廣寧已四百里正月
二十日奴攻西平急守將羅一貴用砲擊賊近八千

人城外之屍幾與城平。劉渠撤鎮武之兵迎敵而潰。
奴終不敢近也。所爭廣寧死守一日。則河西無恙。而
巡撫西走。遼將遂亂。儀制司劉宗周請申討賊之法。
自奴首陷撫順清河。縱敵得民塗炭遼禍者。巡撫
李維翰也。棄開原而逃者。推官鄭之范也。通夷速禍。
三路出師全軍伏沒。經略楊鎬。總兵李如楨也。遼瀋
既陷。以封疆之臣航海逋逃者。監軍道高出胡加棟。
康應乾贊畫劉國縉也。逃而待罪于境上者。理餉傳
國監軍牛維曜也。身生叛族不自歸理。反以知縣升

僉事者。終卜年也。無功則受上賞。遙制山海。乃圖卸
担。不能戢和撫臣。以敗盡喪全遼之地者。今經略熊
廷弼。通夷起衅者。奸璫蘆受也。以受之黨。伏_後犯弑君
之惡。漏網不誅。密得進用者。奸璫崔文升也。御史江
永謙。劾職方郎耿如杞。以爲伺張鶴鳴之隙于廷弼
也。流言巧爲佐鬪。構中樞而殺經略。甚于敵人。是以
畿化貞于三岔。困廷弼于右屯。及廣寧二十二日已
失矣。匿不以聞。猶曰化貞二十三日領兵對壘。西虜
率衆助兵。假塘報以喧朝端也。宜立賜斥。聖諭經

撫不和。官民塗炭。深切驚憂。張鶴鳴慷慨視師。江秉謙等妄言淆亂。已從薄罰。今又黨瀆。不恤國家法難輕貸。是時鶴鳴必欲殺廷弼。宥化貞而劉弘化等斥其奸悞云。鶴鳴又捕遼人劉一巘。鋟鍊奸細。坐以原籍南昌人。因之傾首輔一燐。而大司寇王紀執之。內批紀黨奸削其籍矣。二年八月經略王在晉曰。自背守遼。議兵十八萬。守廣寧。議兵十三萬。此臣總理三部時所查數也。宣大督臣董漢儒。大同撫臣高第。設巡班赴防之法。優其內顧。限其徵發。已得我心之同。

然大約非西兵不可用。非浙兵不可守也。總督行邊。
王象乾。經略王在晉。以撫賞西虜爲務。臺臣夏之令。
施樸沈猶龍。省臣賴良佐。劉弘化。京營余懋衡。訟言。
夷堅難厭。虜性難馴。下部議曰。廣寧之遠。虜糧三十。
六萬俟其旣伏城而與之。挿漢哈喇慎二十萬俟其。
滅奴而與之。每歲約二十萬而流賞。坐賞添賞零賞。
額賞皆在其中矣。大學士承宗孫曰。臣與通撫王國。
楨議。平時旣以萬人拘擣一撫臣而捉其手。一旦有。
警恐萬人不足。護一撫也。總督建牙地。應兵三萬而。

僅萬二千。漢夷健兒似有隱憂。弁流亦當精簡。勿分啖于一盂。葉震生惟中之畫也。遵化親丁二百多飛揚不減密之夷漢。過灤州有士兵一千月飼三錢。而各族有貼。則灤之土兵可爲獨美。建昌兩副將裁其一。以杜應魁填之。劉昌胤之西兵可還三屯。歸馬世龍練之。石匣歸孫祖壽練之。昌平增萬人屬白慎修練之。通州止設一帥屬張士顯練之。在沉雄博大端謹精詳之大臣。力去逃官逃將。以洗天下之心。而新其耳目。仍以用毛文龍。用西虜爲虛活之著。其戰具

在關而其提掇全鎮之精神。在關以外。身爲遼事者。
必自枯于遼。而真見有人爲主。便可立地化爲強將。
強兵矣。乃舉魏雲中。張撲。邵可立。岳和聲。閔宗德。沈
榮。孫元化。閻鳴太。袁崇煥。王之采。王之臣。李三才。諸
人。然又曰。在晉博大之未能。鳴太未滿八分。亦不諱。
云。是時在晉議築牆八里。鋪迄芝蘇灣。截關外而守
也。承宗曰。西虜決非守關之人。逃將決無守關之計。
以三十萬可了之工。而計百萬。以八里地。費百萬之
工。而待歲時。逃將之破冒。逃道之籌策。寧足問乎。杏

山三萬之義民。豈可忍其化爲夷虜。關城數萬之流冗。豈可忍其盡爲溝瘠。而方且釋急計。興緩工。如寧遠以內二百里之疆土。幸奴酋所未到。而今讓爲西虜之幕場。令之逼關而處也。我漸實其土。則西虜漸遠于關。於是自請以身備行間。不量綿力。上覽奏而大喜曰。卿親往督師。封疆有賴。深用嘉慰。卿便以原官督理關城。及薊遼天津登萊軍務。功有次第。卽召還朝。關防勅書。所司速給。十一月大學士承宗察將吏汰穢十八人。取用營將。三軍凜然。乃稍知師律。

其叅將等官則有倪宗業翟從義盧升徐應垣查國寧邵勳鄭其心周文炳中軍千把總則有高第勳宋德隆許國運許國元張承恩段天祐衛之屏蕭九龍楊如松蔡應魁楊禮邵繼先馬光先陳九功胡尚義張其偉洪琦孫承恩尤福科劉朝用金煉張加第毛國華陳應奎譚正言崔繼泰劉禾壽陸之英劉天祐柳遇時山東京班都司王家棟材官則俞泰亮陳應元王文炳張弘弼董大勝劉天吉馬成龍曹惟肖水又文科王光爵張桂王綱燦郎國華牛允中叅將滿桂高見守備蕭升馬士驥三年正月大學士承宗部署大將請罷監軍略曰馬世龍管中部節制三部以建昌路隸之王世欽管南部以燕河路隸之尤世祿管北部以石門路隸之蓋以朝議暨之曰中制以朝使監之曰掣肘以邊之大吏攬其權而

監之。曰兼併。以邊之平交。狃其名而監之。曰橫侵。昔
馬隆之討河西。聽臣自任。狄青之討智高。龐籍請勿
遣侍從副之。杜黃裳薦高崇文。勿置監軍。今可併于
巡關省一官。可省諸將千百端之曳掣。鵠印龍阿。自
上予之。而庸將不能用。懦將不敢用。矜長自用之文
臣。各有私人。不容其用。前者河東之道臣。擁兵而偏
舟魚海。近者河西之道臣。抗顏而匹馬雄關。文吏之
謹詳者。尙圖自守。而負一種發揚蹈厲之氣。踞韃韋
上。且以爲不圖上方略。不足以明壯猷。熟見習聞。若

大將之命懸于其手。而勇健半銷。唐裴度欲一諸將之心。宋蘇轍欲養天下之氣。臣愚謂勿奪其尋常應付之權。三月內閣承宗略陳部署將領奉旨卿勦

守機宜悉有成算朕方曉焉。

楊嘉謨孫諫王世忠趙率教滿桂楊應乾陳九德李承先賀謙祖大壽劉定邦胡伯灝倪承業徐應

垣查國寧曾之甲左輔尹應聘周文炳王家棟邵勳高國楨翟從胡繼寧金剋方裕倫朱文用徐璉劉思中應斗張景珍諸葛佐周鎮姚與疑劉元盡李重春尤岱蕭升尤智楊如松劉永壽丁國用張本錫尤智俞太亮路無寧郤紀先許國張桂牛允中盛忠劉昌胤陳應元曹世寧殷雲昇王綱燦李平東張守禮吳鳳勝董文勝鄭一鄰余化龍藍相王勣戴天龍張弘弼彭守印張承恩譚正言朱平高棟竇成功洪琦高攀桂徐之俊卜文璣衛文屏王光爵水文科毛國瑞

楊啓。七月大學士承宗奏心不一。難共計。氣不振。難元。圖功。具不備。難定謀。機不起。難乘便。奉諸臣之教。凡所爲指摘臣者。臣得執以指摘道將。所畫五部車營。總馬步二十四營。騎兵五萬一千人。步兵四萬一千八百五十人。七鎮更番。約以萬人。分所賜帑二十五萬。臣坐差官徵發之。自爲統領。量無塞責。八月兵部覆巡撫閻鳴泰疏曰。撫臣議守者。恢局也。第恐奴以欲取姑舍者。餌我。我以無所不守者。自疲。因定三策。其曰正着。卽樞輔五部之經營。其曰奇着。虛着。卽樞

輔三方之布置。閏十月孫承宗報守關大略曰。臣自
山海抵八里鋪。兵民可六百奇。抵中前所爲朱梅楊
應乾撫反青者。兵可千五百奇。高嶺站兵當三千。抵
前屯。趙率教獲田可千七十頃。兵民可六萬。王牧民
撫虎酋于此。抵中后所魯之甲撫哈喇慎諸部。抵中
屯所。王楹兵三千。未耜可百餘頃。回思春抄經過。慢
幕墟堦。短檠牆角。今縫弁交錯。不覺潛然。過曹莊抵
寧遠。祖大壽司版築。汪翥司窖造。徐應垣統合兵民
數萬。生氣鬱然。必爭之地。高見賀謙方登元李應魁。

各分一面。田可千五百頃。抵覺華遍歷洲嶼。唐城遺址。其肥可屯。次陽泉至望海臺。足堡萬人。蓋虜不以飛楫望洋。而海口沙船游御史唬船。以習風汛。返寧遠抵葫蘆套。憩安山與勝山。可當關門。立關城。南從望海北接首山。其險可據。其衍可堡。帑百萬築城邊二十里。山海在重垣之內矣。初臣議守寧遠。羣駭爲虛恢。今關以外爲名城者五。內堡者七。俱已填實。邊堡者十有七。亦半填之。復遣滿桂毛元儀圖其情形。內極紅螺外閔蠻子。天之啓基也。未絕之胡讎未定。

之屬國似有可因。惟此數十萬之遼人恩結之不往。
威刦之不來。天畱子遺。墳茲遼懦。貢田而屯。造地而
業。必不能臣。以安插於前屯寧遠去關尚近。今東者
扣邊。西者裁道。若曹旣容而臣憂更大。關內人浮關
外地浮必播土乃食土也。鑄錢煮鹽賣舟。因物情而
治牛種。俱爲儲算。不此之計。以不出關爲守關。以安
又遼人爲強。迎以經營寧遠爲冒險。棄屯墮築離守
銷戰。何以因汚而成隆矣。又曰自八里舖至寧遠步
步爲實。而于寧遠特不欲先侈大局。密令諸將任事。

以待兵成而舉。簡練不精。兵必不出。而關外敗垣荒野。安集爲先。每堡以土官有心計者。招撫遼人。以流官有風力者訓制兵馬。初不敢驟爲嚴。今不敢槩爲寬矣。四年十一月初十日。輔樞承宗簡練士馬。至通州。以祝釐孔邇。陳乞面奏機務。恢復之宜。時內閣廣微附忠賢。芟刈朝臣甚棘。中外謂之二魏。嫌高陽之還。忽造蜚語。輔樞領精兵三萬。掃除君側之奸。忠賢落膽。亟傳嚴旨。承宗擅離信地。其速還關。差駁尉八人坐職方署。如過午時。兵部堂司皆予重譴。

廣微大怒。嗾臺官劾輔樞者卽王敦李懷光也。罪臺
崔呈秀黃綠復官首疏建白曰承宗罪人當罷厥監
忠賢築肅寧城勞臣也當敘有旨忠賢蔭都督承
宗會議之職方郎官方孔炤執不覆蔭而畱輔樞畢
春防事另議代于是阻其媚端逢其殺械矣五年八
月毛文龍薦王化貞監海軍有追論甲子停刑繇廷
弼賄者適蔣應陽妖書發遂決廷弼傳首九邊六年
正月寧前兵備袁崇煥差撥兒楊景松口報二十三
日大營達子到寧遠扎營一日至二十四日攻西南

城角。我用火炮擊死無數。賊復攻南。推板車遮蓋。用金鑿城數處。崇煥練柴灌油。并攬火導。用鐵繩繫下燒走之。二更時。選健丁五十名。縋城而出。用棉花火藥。將達賊戰車盡燒毀。奴賊在西南離城五里。龍宮寺扎營。約有五萬餘騎。貯糧俱運至覺花島。遺者焚之。近島海岸冰俱鑿開。達賊不能過海。捷音至上。勞之曰。袁崇煥血書示衆。籌運師中滿桂趙率教矢心奮勇。從優陞敘。賚以十萬金。時太監劉應坤陶文紀用等聞報。欲援之于右屯。崇煥曰。勿發援。援來即

敗矣。孤城無援。士心益堅。崇煥肅清城中。喧嘩動走者斬之。賊登山望見城內大靜。遂駭之。竟以退虜居無何。東廠又捕武長春以爲賊細也。有旨嘉魏忠賢殊功。封魏良卿肅寧伯。于是科臣黃承昊曰。遼人驅出之關外。勿生其心。崇煥曰。藉遼人以收遼兵。裨于軍實而已。六月。收掩抄花。殺掠荼毒白嘛喇領其衆來歸。以二千計。督師王之臣譯審而安插之。七月。總督王之臣善趙率教之能。袁崇煥善滿桂之能。具別二帥之參差。勑大司馬議。專趙率教于寧遠。專

滿桂于山海關。時北地淫雨爲災。袁崇煥曰。山海內外官舍民居。倒塌無算。軍馬路處。死病相連。中前禾黍狼籍。波濤前屯中後右復然。糧草皆飄蕩如洗。堦苔積滑。竈已產蛙矣。上命速賑恤修築之。十月兵部因遼撫袁崇煥之請馬也。核其事曰。自奴叛以來。費馬不貲。多銷帑金。似乎該鎮馬價獨有存畱。而遼固舊有撫賞錢糧。原出大司農。年來西虜要挾。無歲不增。臣部因假鎮馬以助之。增至三十六萬餘兩矣。司農旣忘撫賞之深。爲分內。又不顧馬價之已踰額。

外卽就八大營五大營二家。臣部已出二十七萬餘兩。除該鎮馬價十一萬之外。誰非從他鎮額內那借者。他鎮每年愆期。臣部方有醫瘡剜肉之憂。而撫臣問馬于馬。不意遼焉之已變爲賞。并他鎮馬之亦變爲遼賞也。山海關太監劉朝。以關外情形聞。盛稱廠臣魏忠賢。矢志滅奴。詛盟潛格。天譴老奴。憲于八月十七日自斃。功莫大焉。兵部爲覆得旨。奴酋奪魄而自殲。厥脫漸收而可墾。斥堠益遠。堂粵繼安。皆廠臣魏忠賢精忠報國。勝算籌邊。士飽馬騰。屢資輸助。

師武臣力盛。借提衡。惟朕釋東顧之憂。實賴爾獲。自天之祐。今特晉爾階太子太保肅寧伯良卿。爲肅寧侯。世襲歲加祿米。照舊錫之誥券。與國同休。巡撫袁崇煥上言。捐棄兩河。未有勝着。惟舊督臣王象乾。經臣王在晉。撫存西虜。奴窮于無所入。舊樞輔孫承宗。決出關。用遼人之議。奴窮于無所導。故靜伏者三年。若揚言綏錦寧。而以全力攻關。必生詭計。彼之遠來。利速戰。能戰之兵。又利在得戰。臣一心死守。令其至。無得而與我戰。便自困之。惟困之。乃得而與圖之。如

今。眷臣。面懇于經臣。高第無發。援兵衆方疑之。蓋援絕而人方致死。必能死而能生。自是古法。天下事固成于有所固。亦敗于多所倚。漢多出塞之功。則在于能任。如班超。馬隆。虞翊輩。顧其才可用。則盡其所欲爲。故成功。惟漢最。唐安史之亂。蹂踐長安。而不敢窺澤路。則在廷之權分。而藩鎮之權一也。又曰。客調之兵。豈第不能爲援。而先已爲遼之擾。恐兵一撤。而事生。誰執其咎。然遼乏倚仗。而已糜各邊之物力。應破成例。而放之還。卽召遼人以填實之。十二月。督師王

之臣奏議。據廣寧以窺河東。定軍營以固根本。調班
兵以亟修築。分兵民以安地方。設道臣以清屯馬。合
水陸以張撻伐。用西虜以蹙東夷。合關寧以通脉絡。
集衆思以廣忠益。絕和議以杜釁端。此皆目前急着。
舍此而言滅賊。謂之望洋。舍此而言復遼。謂之畫餅。
七年五月十一日。奴提兵十萬至錦州。扎四營。車梯
挨牌畢具。先攻西北。太監紀用總兵左輔副帥朱梅
等堵之。矢石火砲交下。奴退舍五里。有旨滿桂出
援。而以李嘉訓領昌兵。錢中選領津兵。王健領保定

兵出關策應。二十二日滿桂兵至笊籬山。遇賊衝擊而却之。二十八日奴四王子樹白龍旗。設大帳。望灰山首山連山。南海而營。大將尤世祿孫祖壽等。叅將彭纘古等。舉西洋火砲擊碎之。奴長子召力兔碑勒。其子浪蕩寧谷碑勒中鳴鏑死。孤山四人。牛鹿三十餘人。大劙而遁。錦州圍解。寧遠之圍亦解。滿桂之力多也。捷聞。詔曰。夷氛甚惡。賴厥臣指授方略。深中機權。特封弟姪一人爲安平伯。頒御前五萬金以犒將士。

職方氏論曰。遼東實有遼東西地。冀東北分幽州。卽廣寧以西之地。青東北分營州。卽岱河以東之地。渤海碣石之外。一大都會也。古設郡縣。國初奠金陵。視爲餘微。北平不基仍之。惟立自在安樂二州。處降夷于中。其外附者。東北則建州毛憐女直諸衛。西北則兀良哈三衛。分地世官。互市通貢。三岱河南北。亘數百里。遼陽舊城在焉。木葉白雲之間。故遼北京中京也。林蘆豐蔚。更饒魚鮮。委以叅虜。遂進腹心。限隔東西。守望勞費。成化中。邊臣屢議截收。竟不能復之。東

夷屋居耕食。不專射獵。西虜鼠竊狗偷。大寇亦鮮。馬
端肅文升。命羈縻。不崇朝而安輯者。數百族。乃謠謀
弗獲。見戕于佞倅。而陳鉞別受願指。妄談舉斬。我詐
爾虞。日滋邊釁。轉輸孔棘。金復海蓋。寧遠東西諸屯
政。亦侵假而湮頓矣。夫麗江之珠參。長白之貂珥。詎
不足以懷音。而貪夫外牟。懦將內媿。粉飾太平。競驅
仕國。文濡而武猾。莫遼薊若。跋跋爲交游之權寵。已
含手植。闢外殆奴。夫治非一日而治也。亂非一日而
亂也。隆萬以來。夷運屏底。李成梁疊策殊勳。豈知薪

膽積奮于旗裘。蛇豕薦交乎戟鉞。榷璫一起。萬衆携心。六堡雖恢。二虜已穴。馳虎進狼。矢于志滿。所以釁寬之棄地。多戮漢人界石。頻遷老女。多舌七宗之惱恨。無因四路之出師可愕。夫使杜劉諸宿將。帶甲十數萬。渙汗大號。厲氣循城。豈憂哈赤哉。兵壇吳亮嗣等較賂。政府如疣。馬上紅旗。一朝而殞于鋒鏑者。海內之精銳。大略盡矣。清撫開鐵戰而不屈。濬遼屈而不戰。廣寧之壘未交。而隔河之風先潰。兔墩閒掠。輜重如山。推究其敗北。我未之前聞也。宋李綱有謂邊政之。

盛衰。關乎中朝之氣習。至言哉。

熊廷弼

王貞

化

雅足將材

分騷。自能疏拊。而緝緝幡幡。強其鑿枘。又不幸而樂

其敗。升天墜淵。判在呼吸。借封疆以報睚眦。本兵心

事。不可以對錄。九廟之靈矣。關外見聞錄。不亦侃侃

其畫之耶。三方布置。非謂虛張。而度量弘深。則高陽

孫承宗之請纓爲最。踦蹠而當紫塞。何如伴食而晉黃

扉。樞輔毅然單騎。此山海以外。何等時也。皂囊押至

廷。工股弁。有臣如是。舉寧遠之臥脫。屯練有加。比及

三年。雖受讒而退。而人承其緒。將戴其猷。誰之力也。

彼其之子。以老奴鬼錄。歸功咒斃。遂綰通侯。而樞輔
六防。積捷槩不膚奏。曰大敵未屠。烏用是驕惰我軍。
實耶。寺人聽之。碩人在陸。鄒忠介元標有言。朝臣和衷。
天地之和應之。嗟哉。娟嫉未消。人材暗困。征調已空。
加派無日。醫巫閭之禋望。所經宵旰者。抑未央矣。

全邊略記卷之十 終